




05746

通志卷第五十一

宋 右 迪 功



漁 仲 撰

職官略第一

官制總序

伏羲氏以龍紀故以龍名官共工以水紀故以水名官
 神農氏以火紀故以火名官黃帝氏以雲紀故以雲名
 官少昊摯之立也鳳凰至故為鳥紀而以鳥名官鳳鳥
 氏歷正也元鳥氏司分也伯趙氏司至也青鳥氏司啓
 也丹鳥氏司閉也祝鳩氏司徒也鳴鳩氏司馬也鳴鳩
 氏司空也爽鳩氏司寇也鶡鳩氏司事也五鳩聚民者
 通志 卷五十一 職官一 一

也五雉為五工正九扈為九農正自顓帝以來不能紀
 遠乃紀於近為民師而命以民事又有五行之自是謂
 五官社稷五祀是尊是奉春官木正曰勾芒夏官火正
 曰祝融秋官金正曰蓐收冬官水正曰元冥中官土正
 曰后土唐堯之代分命羲和欽若昊天歷象日月星辰
 以授人時內有百揆四岳外有州牧侯伯虞舜氏有天
 下以禹作司空使宅百揆棄作稷官播百穀契作司徒
 敷五教皋繇作士正五刑垂作共工利器用益作虞育
 草木鳥獸伯夷秩宗典三禮夔典樂敎胄子和神人龍
 作納言出納帝命蓋亦為六官以主天地并四時也夏

后之制亦置六卿其官名次猶承虞制商人制天子建
天官先六太曰太宰太宗太史太祝太士太卜典司六
典天子之五官曰司徒司馬司空司士司寇典司五衆
天子之六府曰司土司木司水司草司器司貨典司六
職天子之六工曰土工金工石工木工獸工草工典制
六材五官致貢曰享五官之長曰伯千里之內爲王畿
千里之外設方伯五國以爲屬屬有長十國以爲連連
有帥三十國以爲卒卒有正二百一十國以爲州州有
伯八州八伯五十六正百六十八帥三百三十六長八
伯各以其屬屬於天子之老二人分天下以爲左右曰

通志

卷五

職官一

二

左右伯周成王參改商官制爲周禮以作天地四時之
名謂之六卿立天官冢宰掌邦治地官司徒掌邦教春
官司空掌邦事各有徒屬用於百事歲終天子齊戒受
諫六卿以百官之成質於天子百官齊戒受質然後休
老勞農成歲事制國用自周衰官失而百職亂戰國並
爭各有變易秦始皇兼天下建皇帝之號立百官之職
不師古始罷侯置守太尉主五兵丞相總百揆又置御
史大夫以貳於丞相漢初因循而不革隨時宜也其後
頗有所改大司馬左右前後將軍侍中常侍散騎諸王
吏爲中朝丞相以下至六百石爲外朝王

莽篡位慕從古官而吏民皆弗便光武中興務從節約并官省職費減億計後漢建武六年詔曰百姓遭難戶口耗少而官吏尙繁於是司隸州牧條奏并省四百餘縣吏職減損十置其一廢丞相與御史大夫而以三司綜理衆務泊于叔世事歸臺閣論道之官但備員而已

魏與吳蜀多依漢制晉氏繼及大抵略同山公啟事曰晉制諸坐公

事者皆三年乃得敘用其中多有好人令逍遙無事臣以爲略依左遷法隨資裁減之亦足懲戒又傅元議曰諸官有病滿百日不差宜令去職既差復用

太元六年改制減費損吏士職員凡七百人時議省州郡縣半吏以赴農功爰及宋齊亦無改作宋時制新

長史以父母疾去官禁錮三年山陰令沈叔任父疾去職御史中丞鄭鮮之上議曰所以爲其制者莅官不久則奔競互生故杜其欲速之請以申考績之實耳今父母之疾而加以罪名損義疾理莫此爲大詔從之於是

通志 卷五 職官一 三

自二品以上父母及爲祖父母後者墳墓崩毀及疾病親屬輒去並不禁錮又劉祇爲中書郎江夏王義恭領中書監服親不得相臨表解職也孝武詔曰昔二王而謝俱至崇禮自今三臺五省悉同此例又詔曰方鎮所假禮白郡縣年限依臺除官司有三臺五省之號三臺食祿三分之一不給送蓋兩

漢舊名五省謂尙書中書門下祕書集書省也郡縣有三茂爲滿之期宋州郡縣居職

以三周梁武受終多遵齊舊然而定諸卿之位分配四爲小滿時置戎秩之官至百有餘號陳遵梁制不失舊物焉後

魏昭成之卽王位初置官司分掌衆職然而其制草創名稱乖疏皇始元年道武平并州始建臺省置百官封

公侯將軍刺史太守尙書郎等官悉用文人天興中太

史言天文錯亂當改王易政故官號數革初道武制官皆擬遠古雲

鳥之義諸曹走使謂之鳧鴨取飛之迅疾也以至孝文
伺候宮禁謂之白鷺取其延頸遠視他皆此類

太和中王肅來奔為制官品百司位號皆準南朝改次

職令以為永制凡守令以六年為滿後經六年乃敘又作考格以之黜陟

太和十八年詔曰古者三載考績三考黜陟朕今三載

一考考便黜陟各令當司考其優劣為三等六品以下

尚書重問五品以上朕與公卿親論善惡又宣武帝行

考陟之法任事上中者三年升一階散官上第者四載

登一級孝明以後授受多濫齊高氏創業亦遵後魏臺

省位號多類江東以門下省掌獻納諫正中書省管司

容諷議中常侍省掌出入王言祕書省典司經籍集書省掌從

門閣御史臺察糾彈劾後主臨御爵祿犬馬宇文氏

之初據關中猶依魏制及平江陵之後別立憲章酌周

禮之文建六官之職其他官亦兼用秦漢及隋文帝踐

極百度伊始復廢周官還依漢魏其於庶僚頗有損益

凡官以四考而代又制凡官以理去職聽並執笏至煬帝初存稽古多

復舊章百官不得計考增級如有德大業三年始行新

令有三臺五省五監十二衛十六府殿內尚書門下內

者司隸御史三臺也少府長秋國子將作都水五監也

左右翊左右監左右武左右屯左右禦左右候十二衛

也左右備身左右監門等凡十六府也或是舊名或是

新置諸省及左右衛武候領軍監門府為內官自餘為

外官于時天下繁富四方無虞衣冠文物為盛矣既而漸
為不道百度方亂號令日改官名月易圖籍散逸不得
而詳備唐之職員多因隋制雖有小變革而大較不異

貞觀六年大省內官凡文武定員六百四十有三而已
顯慶元年初制拜三師三公親王尚書令雍州牧開府儀同三司驃騎大將軍左右僕射並臨軒冊授太子二少侍中中書令諸曹尚書諸衛大將軍特進鎮軍輔國大將軍光祿大夫太子詹事太常卿都督及上州刺史在京者朝堂受冊又制文武官五品以上老及病不因罪解者並聽同致仕例龍朔二年又改官名咸亨元年復舊至于武太后再易庶官或從宜創號改尚書省爲文昌臺門下省爲鸞臺中書省爲鳳閣御史臺爲肅政臺及諸寺衛等名又置控鶴府官員或參用古典改六尚書爲天地四時之官天授二年凡舉人無賢不

肖咸加擢拜大置試官以處之試官蓋起於此也試者未爲
正命凡正官皆稱行守其階高而官卑者稱行階卑而官高者稱守階官同者並無行守字太后務收物情其年二月十道使舉人并州石艾縣令王山耀等六十一人並授拾遺補闕懷州錄事參軍崔獻可等二十四人

通志

卷五

職官一

五

並授侍御史并州錄事參軍徐昕等二十四人並授著作郎魏州內黃縣尉崔宣道等二十二二人並授衛佐校書郎史等故當時諺曰補闕連車載拾遺乎斗于時擢量把推侍御史脫腕校書郎試官自此始也

人非次刑網太密雖驟歷榮貴而敗輪繼軌神功元年制曰自今

本色出身解天文者進轉官不得過太史令音樂者不得過太樂鼓吹令醫術者不得過尚藥奉御陰陽卜筮者不得過太卜令解神龍初官復舊號二年三月又置

員外官二千餘人舊有員外官至此大增加兼超授諸門官爲員外官者亦千餘人中書令李嶠初自地官尚書貶通州刺史至是召拜吏部侍郎嶠志欲曲行私惠求名悅衆冀得重居相位乃奏請大

置員外官多引用勢家親識至是嶠又自覺銓衡失序官員倍多庶庫由是減耗也於是遂有員外官外官其初但云員外至永徽六年以蔣孝璋爲尚員者其加同正員者唯不給職田耳其祿俸賜檢校試

會與正官同單言員外者祿俸減正官之半

攝判知之官

攝者言敕攝非州府版署檢校者云檢校某官判官者云判某官事知者云知某官

事皆是詔除而非正命

速乎景龍宮紀大紊復有斜封無坐處之

誦興焉

景龍中有太平安樂長寧宣城等諸公主及皇后陸氏妹鄭國夫人李氏妹崇國夫人并昭容

上官氏與其母沛國夫人鄭氏尙宮柴氏賀婁氏女巫隴西夫人趙氏皆引用親識亦多猥濫或出自臧獲或由於屠販多因賂貨累居榮祿咸能別於側門降墨赦斜封以授焉故時人號爲斜封官時旣政出多門遷除

甚衆自宰相至于內外員外官及左右臺御史多者則數逾十倍皆無廳事可以處之故時人謂之三無坐處謂宰相御史及員外官也先天以來始懲其弊至開元二十五年刑

定職次著爲格令

此格皆武德正觀之舊制永徽初已詳定之至開元二十五年再刪定焉

至二十八年又省文武六品以下官三百餘員及諸流外番官等

蓋尙書省以統會衆

務舉持繩日門下省以待從獻替規駁非宜中書省以

通志

卷五

職官一

六

獻納制冊敷揚宣勞祕書省以監錄圖書殿中省以供

修服御內侍省以承旨奉引

尙書門下中書祕書殿中內侍凡六省

御史

臺以肅清僚庶九寺

太常光祿衛尉宗正太僕大理鴻臚司農太府爲九寺

五監

少府將作國子軍器都水爲五監

以分理羣司六軍

左右羽林左右龍虎左右神武爲六

軍十六衛

左右衛左右驍衛左右武左右威左右領軍左右金吾左右監門左右千牛爲十六衛

以嚴其禁禦一詹事府二春坊

內坊左右春坊又有三寺

家令寺率更寺太僕寺

十率

左右衛左右司禦左右清道左右監門左右內侍凡十率府

俾又

儲宮牧守督護分臨畿服

京府置牧餘府州置都督都護太守

之置使以緯之

按察采訪等使以理州縣節度團練等使以督府軍事相庸轉運鹽鐵青苗營

田等使以毓財貨其餘細務因事置使者不可悉數其轉運以下諸使無適所治廢置不常故不別列於篇

自六品以下率由選曹居官者以五歲為限於是百司具舉庶績咸理亦一代之制焉一歲為一考四考有替則為滿若無替則五考而罷六品以下吏部注擬謂之旨授玉品以上則皆敕除自至德之後天下多難甄才錄效制敕特拜繁於吏部於是兼試員外郎倍多正員並廣德內溢乃立制限州縣員外兼試等官各有定額並云額內溢於職者不得視職其有身帶京官充職資名清美兼州縣職者云占闕焉即如正員之例官以三考而代無替四考而罷曲是官有常序焉

歷代官制要略

官數 官品 設官沿革 封爵 三公 宰相

祿秩

官數

通志

卷五

職官一

七

唐六十員虞六十員

尚書云建官惟百鄭元云虞官六十唐官未聞堯舜同道或皆六十

并屬官而言

夏百二十員

尚書云夏商官倍則當商二百

百四十員

明堂位二百鄭元曰百四十二

周六萬二千六百七十五員

內一千六百四十二人外諸侯同官六萬

漢自丞相至

佐史凡十三萬二百八十五員

哀帝時數兼諸州府郡胥吏

後漢七

千五百六十七員

晉六千八百三十六員

宋六千

一百七十二員

齊二千一百三員

後魏七千七百

六十四員

北齊二千三百二十二員

並內

後周二千

九百八十九員

並內

隋一萬二千五百七十六員

內官二千

五百八十一外郡縣唐一萬八千八百五員

內官二千六百二十

官品

周官九命漢自中二千石至百石凡十六等後漢自中二千石至斗食凡十三等魏秩次多因漢制更置九品晉宋齊竝因之梁因之更置十八班班多為貴陳竝因之後魏置九品品各置從凡十八品自四品以下每品分為上下階凡三十階北齊竝因之後周制九命每命分為二以正為上凡十八命隋置九品品各有從自四品以下每品分為上下凡三十階自太師始焉謂之流內流內自此始焉煬帝除上下階唯又置視正二品至通志卷至職官一八

設官沿革

略舉崇著者其當部之官長雖品秩卜者亦附出

黃帝六相

堯有十六相

為之輔相不必名官少昊司徒

前漢嘗加

大後漢

司馬

項羽加大漢以後

司空

前漢加大改御史大夫為之後周又

大司寇

後周有大司寇卿後周又加大

唐義和義仲義叔和仲和叔州

牧虞太師太保納言

隋及唐嘗改侍中為之

后稷秩宗士共工虞

夏九卿商太宰晉宋齊梁陳改太師為之太宗太史太祝太子太

保太子太傅太子少傅方伯周太傅少師少保冢宰周

加宗伯後周加大內史秦置內史治京師如諸郡守後周有內史中丞大夫隋改中書為內史監

令唐亦嘗以太僕正至漢為太僕梁為卿唐嘗為司馭卿又嘗為司僕卿大將軍

自戰國前後左右將軍周未秦太尉左右丞相丞相後

未加相國侍中本丞相史隋改為納言又改為侍內黃唐嘗為納言或為左相或為黃門監

門侍郎後周納言大夫唐為鸞臺散騎常侍魏加侍郎又加員外

又加通直唐少府吏在殿中主發書謂之尚書四人漢置

五人其一人為僕射四人分曹漢置左右唐曹後漢為五曹至晉有六曹尚書令僕射漢置左右唐

通志卷五十一職官一九

匡政或為左右丞相武尚書丞漢置四人後漢減三人為左右丞唐嘗為左右

肅御史大夫唐嘗為大司憲武太后又奉常漢改曰太

常又改為太常後漢為奉常自後為太常漢改曰奉

梁謂之卿唐嘗為奉常卿又嘗為司禮卿漢改曰奉

動後漢嘗為郎中令魏為光祿勳梁除勳字謂之光祿

卿唐嘗為司宰卿又嘗為司膳卿又為光祿卿衛尉

漢嘗為中大夫令至梁謂宗正漢嘗改為宗伯至唐嘗

之卿至唐嘗為司衛卿宗正為司宗卿又嘗為司屬

治粟內史漢改曰大農令又改曰大司農後漢未為大農魏為司農至梁謂之卿後魏又加大

-5 145 45 955" data-label="Text">

唐嘗為主爵中尉漢以右扶廷尉二漢梁北齊為大理

尉唐嘗為詳刑典客漢改為大鴻臚又嘗曰大行至梁

卿又為大理卿除大字謂之卿唐為同文卿又嘗

為司賓卿又典屬國少府至梁謂之卿唐嘗為內府監

為鴻臚卿亦嘗為尚方監又為少府監

將作少府漢改為大匠唐亦嘗為大匠卿隋為將作大監又

改為大匠唐亦嘗為大匠又嘗為繕工監又

嘗為營繕監中尉漢武更名中書謁者令僕射至漢嘗

又為將作監執金吾為之魏為中書監令專掌機務隋為內史監令尋改為

丙史又改為尚書又為丙史令唐復為中書令嘗為右

相又為丙史詹事唐嘗改為端尹又嘗改為中庶子庶

又為紫微令唐嘗改為尹少詹事並為尹子庶子庶

唐嘗為司僕唐嘗為馭率內史理京師漢分為左右又

郡守漢改為太守後魏每部置三大守隋大中大夫唐

散為文漢領尚書事至後漢為三公曹尚書常侍郎尚書

主客公卿事後漢改為史曹主選奉又為選部魏為吏

為天中書侍郎東晉嘗為通事郎隋為丙史侍郎又為

郎又為紫御史中丞後魏曰中尉唐改治書侍光祿大

通志卷五職官一十

夫優寵者則加銀章青綬至魏晉則有加中散大夫王

置唐為金章紫綬齊嘗置左右至隋為散官文散于陳自後魏無皇太

后卿長信少府皇后卿大長秋隋有令唐中常侍唐為

侍都水使者至宋嘗為水衛令梁曰大舟卿隋嘗為都

驃騎後漢加大夫遊擊唐為衛車騎驍騎梁置伏波上

騎材官輕車樓船橫海護軍唐為渡遼貳師蒲類疆弩

弋船奮威建威積射二十一將軍奉車騎駙馬三都尉

至梁尚主司隸校尉督察三輔隋有司隸大夫刺史刺

者為之唐京畿采訪使亦其職郡縣至都護京兆尹左馮翊右扶風特進唐為諸加官

左右曹諸史散騎唐為後漢賊曹尚書尚書侍郎三十六人

初稱尚書郎中滿歲稱尚書郎三歲稱侍郎五歲遷大縣令魏有尚書郎晉又有郎中隋初置三十六侍郎後置員外郎一人後又六曹各置侍郎每祕書監魏又置曹有郎有員外郎唐改曹郎爲郎中祕書監令唐嘗爲蘭臺太史少監爲武衛至隋置左右鷹揚衛輔國宋改爲輔師唐爲武散四征四鎮四安虎牙征虜捕虜橫野鷹揚討逆

討虜破虜等將軍四中郎將都督至晉加大河南尹雷守班

同三司前漢文帝以宋昌爲衛將軍亞三司未爲官也儀同三司魏有開府儀同三司後魏有儀同三司北齊有開府儀同三司又有儀同三司後周有開府儀同又有上開府儀同大將軍至隋爲散官八座魏五兵尚書至後魏有七兵尚書

隋曰兵部唐嘗爲司戎太常伯度支尚書吳有戶部晉已後爲度支

或爲夏官或爲武部又爲兵部至後魏有儀曹尚書後

爲度支又爲戶部祠部曹尚書至後魏有儀曹尚書後

周有禮部隋置禮部尚

書唐嘗爲司禮太常伯殿中監秩甚卑隋曰殿內監中

或爲春官又爲禮部唐嘗爲中御府大監

衛晉分爲左右衛將軍隋改爲中領軍尋改曰領軍隋

唐嘗爲左右戎衛又嘗爲左右衛鎮軍大冠軍游騎唐並爲

右玉鈴衛又爲左右領軍武散

四平鎮北虎威撫軍凌江寧朔等將軍行臺晉三公尚

書掌刑獄起部尚書有事卽置國子祭酒唯宋曰總明

爲大司成又中軍龍驤寧遠唐爲宋殿中將軍齊都官

爲成均祭酒至隋改爲刑部唐嘗爲司刑太常伯梁大府卿唐

尚書又嘗爲秋官又改爲憲部又爲形部梁大府卿唐

爲外府卿又雲麾中武壯武明武定遠唐並爲宇宙等

大將軍始以太常等名卿分爲四時凡十一卿後魏柱

唐爲國勳官

天柱二大將軍諸少卿後周軍器隋左右武侯

通志 卷五十一 職官一 十一

府大將軍唐為金吾衛左右監門府將軍唐改府為衛大總管通

守唐太子折衝府正議通議朝議朝請朝散等大夫左右

驍衛府唐除府字唐太子賓客漢之四皓非官左右千牛衛左右屯

營後改為羽林軍嘗改為衛左右威衛嘗改左右韜豹衛右左龍虎將軍平

章事知政事參知機務同中書門下三品平章軍國重

事節度使采訪使宣威武散懷化歸德等將軍並武散以授歸義蕃

官

封爵

黃帝方制萬里為萬國各百里唐虞夏建國凡五等曰

公侯伯子男商公侯伯三等公百里侯七十里伯五十里周公侯伯

子男五等公侯百里伯七十里子男五十里周公居攝改制大其封五

百里侯四百里伯三百秦爵二十等最高徹侯乃得食

里子二百里男百里租稅於關內餘十八等漢國王國侯亭侯三等王皆裂

大庶長以下則如吏職戶數為差分民自此始漢初論功封侯者凡百

四十三人食邑者除租每戶一歲更輸錢二百後漢亦

三等皇子封王其郡為國其列侯雖鄧寇元勳不過四縣魏王公侯伯子男次縣

侯次鄉侯次亭侯次關內侯凡九等關內侯為虛封自此始晉亦

有王公侯伯子男又有開國郡公縣公郡縣侯伯子男

及鄉亭關內等侯凡十五等王次國一萬戶二軍兵三

千下國五千戶一軍兵千五百其公之制如五千戶國

侯如不滿五千戶國並置一軍千人其伯子男以下各

置軍有差不宋皆因晉制惟大小國皆三軍至孝建中凡國官屬不得稱臣

通志 卷五 職官一 三

於其土改稱下官 齊因之梁因前代定制謂王言曰令境內稱

內稱之曰第下皆自稱曰寡人相已下表陳有郡王嗣

疏如臣而不得稱臣文書下羣官皆曰告王藩王開國郡公開國縣公侯伯子男沐食侯鄉亭侯

開國中關外侯凡十二等後魏有王開國郡公散公侯

散侯伯散伯子散子男散男凡十一等王食半公三分

食一子男五分食一北齊有王公侯伯子男六等後周有公侯伯

子男五等隋有國王郡王國公郡公縣公侯伯子男凡

九等唐國王郡王國公郡公開國郡公縣開國侯伯子

男凡九等並無其土加實封者乃給租庸自武德至天

者二百六十五家實實封者百餘家自至德至大歷三年實封

通志 卷五十一 職官一 三

三公

夏商以前云天子無爵三公無官伊尹曰三周以太師

太傅太保曰三公漢以丞相大司馬御史大夫為三公

後漢又以太尉司徒司空為三公天地災變即皆冊免

帝就長安拜張溫為太尉三公在外自溫始也魏晉宋齊梁陳後魏北齊皆以

太尉司徒司空為三公後周以太師太傅太保為三公

司徒為卿隋以太尉司徒司空為三公唐因之

宰相

黃帝置六相堯有十六相商湯有左右相周成王有左

右相秦悼武王始置左右丞相始皇又始置相國漢置

丞相嘗置相國或左右丞相尋復舊成帝改御史大夫為司空與大司馬丞相是為三公皆宰相也哀帝改丞相為大司徒亦為宰相後漢以太尉司徒司空為宰相獻帝復置丞相魏改丞相為司徒而文帝置中書監令竝掌機密自是中書多為樞機之任亦宰相也又置大丞相及相國晉惠帝改丞相為司徒尋復舊俱為宰相而中書監令常管機要亦是相也宋齊梁陳竝相因習或為丞相或為相國多非尋常人臣之職或掌機密或錄尚書或綜朝權或管朝政或為侍中或給事中或受顧命皆為宰相然中書職任機務之司不必他名亦為宰相其有侍中兼外官若宋王弘侍中兼內官若沈演之其例不少即非宰相竝在當時委任而已後魏北齊

通志

卷五

職官一

四

亦置丞相俱為宰相尤重門下官多以侍中輔政亦宰相也後周大冢宰亦其任也其後亦置左右丞相隋有內史納言是真宰相柳述為兵部尚書參軍機密又楊素為右僕射與高穎專掌朝政

唐侍中中書令為真宰相中間嘗改為左右相他官參者無定員但加同中書門下三品平章事知政事知機務參與政事及平章軍國重事之名者竝為宰相亦漢行丞相事之例也其同中書門下三品自貞觀中兵部尚書李勣始

祿秩

周制自天子至下士凡六等諸侯國君十卿祿食二百八十人大夫倍上士食七十人上士倍

中士食三人陪下士食十人下士與庶人在官者同

食九人庶人在官漢制自中二千石至百石凡十二等

中二千石月俸百斛二千石百斛比二千石百斛千石八十斛

六百石七十斛比六百石六十斛四百石五十斛比四百石四十斛

三百石四十斛比三百石三十斛二百石三十斛比二百石二十斛

百石十六斛後漢大將軍三公俸各三百五十斛凡

諸受俸皆半錢半穀延平中定制中二千石月俸錢九千米七十

二千石錢六千五百比二千石錢五千米

千石錢三千五百比千石錢二千五百

六百石錢二千五百四百石錢一千五百

三百石錢一千五百二百石錢八百米

更班賜有差宋制州郡秩俸多隨土所出無有定準有

父母祖父母年登七十者並給見錢其郡縣田祿以芒

種為斷此前去官者則一年秩皆入梁制一品秩萬石

二品三品秩為中二千石四品五品秩為二千石後魏

其祿每一季一請諸宰人之官各隨近給公田刺史十

五頃太守十頃治中別駕各八頃縣令郡丞六頃更代

相付北齊官秩一品每歲八百疋從一品七百疋二品

六百疋從二品五百疋三品四百疋從三品三百疋四

品二百四十疋從四品二百疋五品一百六十疋從五

品一百二十疋六品一百疋從六品八十疋七品六十

通志

卷五

職官一

五

正從七品四十疋八品三十六疋從八品三十二疋九品二十八疋從九品二十四疋執事官一品以下給公田各有差後周制祿秩下士一百二十五石中士以上至大夫各倍之上大夫是為四千石卿二分孤三分公四分各益其一公因盈數為一萬石其九秩一百二十石八秩至於七秩每二秩六分而下各去其一二秩俱為四十石隋兵官一品祿九百石其下每以百石為差至正四品是為三百石從四品二百五十石其下每以五十石為差至正六品是為一百石從六品九十石以下每以十石為差至從八品是為五十石其給皆以春

通志

卷五

職官一

夫

秋二季刺史太守縣令則計戶而給祿各以戶數為九等之差二佐及郡守縣令京官給職分田一品者給田

五頃至五品則為田三頃其下每品以五十畝為差至九品為一頃外官亦各有職分田又給公廩田以供唐

定給祿之制京官正一品米七百石錢九千八百從一品六百石正

二品米五百石錢八千從二品米四百石正三品米四百石錢六千一百從

三品米三百石錢六千三百正四品米三百石錢四千二百從四品米二百石正五

品米二百石錢三千六百從五品米一百石正六品米一百石錢二千四百從

六品米九十石正七品米八十石從七品米七十石正八品米六十石從

十七石錢從八品米六十石正九品米五十石從九品米四十石

米五十 從品同外官各降一等 其幹力及防閭 庶僕並別給 丙外文

武官自一品以下給職田京官諸司及郡縣又給公廨

田並有差

職官目錄

三公第一

宰相第二

門下省第三

中書省第四

尚書省第五

御史臺第六

通志

卷五

職官一

諸卿第七

武官第八

東宮官第九

王侯第十

州郡第十一

文武散官第十二

勳官第十三

命婦第十四

祿秩第十五

官品第十六

通志卷第五十一

通志

卷之五十一

職官一

六



宋 右 迪 功 郎 鄭 樵 漁 仲 撰

職官略第二

三公第一

三公總序 四輔二大附

記曰虞夏商周有師保有疑丞設四輔及三公尚書大傳曰古

者天子必有四鄰前疑後丞左輔右弼天子有問無以對責之疑有志而不志責之丞可正而不正責之輔可

相而不揚責之弼其爵視卿其祿視次國之君不必備唯其人故天子無爵三

公無官參職天子何官之稱天文三台以三公法焉伊尹曰三公調陰

陽九卿通寒暑大夫知人事列士去其私周成王作周

官立太師太傅太保曰三公論道經邦燮理陰陽立少

師少傅少保曰三孤貳公弘化寅亮天地以弼天子則

三太周之三公也故不以一職為官名公八命也九命則分陝為二伯

又以三少為孤卿與六卿為九焉舜之於堯伊尹之於

湯周公召公之於周是其任也故周禮建外朝之法左

九棘孤卿大夫位焉羣士在其後右九棘公侯伯子男

位焉羣吏在其後而三槐三公位焉州長眾庶在其後

三公壹命衮若有加則賜也不過九命三公八命矣復加一命則服衮

龍與王者之後同多於此則賜也非命服也虞夏之制

天子有日月星辰周禮曰諸公之服自衮冕而下如王

服春秋九命則作伯尊公曰宰言於海內無不宰統焉

之

或說司馬主天司徒主人司空主土是為三公漢初唯

有太傅太尉後加置太師太保大司徒大司空王莽居

攝置四輔官後漢唯有太傅一人謂之上公及有太尉

司徒司空而無師保太尉公主天部太常衛尉光祿勳司徒公主

人部太僕鴻臚廷尉司空公主地部宗正少府司農而分部九卿漢制三公

號稱萬石其俸月各三百五十斛風俗通云三公一歲共食萬石也蓋多以九卿為之若

天地災變則皆冊免自太尉徐防始焉漢制三公不與

盜賊若領兵入見皆交戟又頸而前使虎賁執刃扶之也魏武為司空破

張繡入覲天子亦行此制汗流洽背自此不復朝覲也朝臣見三公皆拜天子御

座即起在輿為下凡拜公天子臨軒六百石以上悉會

通志 卷五 職官二 二

直事卿贊拜御史授印綬公三讓然後受至安帝時三

府任薄選舉誅賞一由尚書其災眚變咎則免公台靈

帝臨朝始遣使者就長安拜張溫為太尉三公在外自

溫始也至獻帝建安十三年乃罷三公官魏初復置與

後漢同有太傅太尉司徒司空然皆無事不與朝政初封司空崔

林為安陽亭侯三公封列侯自林始也黃初二年又分

二公戶邑封子弟各一人為列侯末年增置太保晉武

帝即位之初以安平王孚為太宰鄭沖為太傅王祥為

太保義陽王子初為太尉何曾為司徒荀顛為司空石

苞為司馬陳騫為太將軍凡八公同時並置唯無丞相

焉時所謂八公同辰攀雲附翼者也遂以太傅太保爲

上公論道經邦燮理陰陽無其人則闕蓋居者甚寡

品第一食俸曰五斛太康二年又給絹春百疋秋二百

疋縣二百斤元康元年給米田十頃驩十人立夏以後

不及田者食俸一年又給虎賁二十人持班劍給朝車駕安車黑馬其太尉司徒司空自

漢歷魏皆爲三公及晉迄于江左相承不改前代三公

再拜皆設小會所以崇宰輔之制也自魏末廢而不行

至晉拜石鑑爲左光祿大夫開府領司徒始有詔令會

遂以爲常宋皆有八公之官而不言爲八公也齊時三

公唯有太傅梁有丞相太宰太傅太保大司馬大將軍

太尉司徒司空開府儀同三司等官諸公及從公開府

者亦置官屬陳以丞相太宰太傅太保大司馬大將軍

竝謂贈官三公之制開黃閣廳事置鴟尾後魏以太師

太傅太保謂之三師上公也大司馬大將軍謂之二大

太尉司徒司空謂之三公北齊皆有三師二大三公之

官竝置府其府三門當中門黃閣設內屏三師二大置

佐吏則同太尉府後周置六卿之外又改三師官謂之

三公兼置三孤以貳之而以司徒爲地官大司馬爲夏

官司空爲冬官如姬周之制無復太尉三師之號宣帝

又置四輔官以大家宰越王盛爲大前疑蜀國公尉遲迴爲大右弼申國公李穆爲大左輔隋國公揚堅爲大後丞隋置三師不主事不置府僚俱與天子坐而

通志

卷五

職官二

三

論道置太尉司徒司空以爲三公參議國之大事依北齊置府僚無其人則闕祭祀則太尉亞獻司徒奉俎司空行掃除其位多曠攝行事尋省府僚佐置公則坐於尚書都省朝之衆務總歸於臺閣矣煬帝卽位廢三師官唐復置三師以師範一人儀刑四海置三公以經邦論道變理陰陽祭祀則與隋制同竝無其人則闕天寶以前凡三師公雖有其位而無其人

太師古官紂時箕子周武王時太公成王時周公竝爲太師太師周公薨畢公代之秦及漢初竝無至平帝元始元年初置以孔光居焉金印紫綬位在太師上太保次太傅漢東京又廢獻帝初董卓爲太師卓誅又廢魏世不置晉初置三公以景帝諱師故置太宰以代太師之名秩增三司後魏北齊後周隋唐皆有之

通志

卷五

職官二

四

臣謹按孔光爲太師王莽爲太傅光常稱疾不敢與太后詔令太師無朝賜靈壽杖省中坐置几賜食十

七物

太傅古官周成王時畢公爲太傅漢高后元年初置太傅金印紫綬初用王陵後省八年復置後省哀帝元壽二年復置位在三公上平帝以孔光爲之後漢有太傅上公一人掌以善道無常職光武以卓茂爲之熹省明帝又以鄧禹爲之其後每常初卽位輒置太傅錄尚書事熹則省桓帝踐阼初加元服不復置傅但令太尉胡廣司徒趙戒領尚書事至靈帝復以陳蕃爲太傅與廣參錄尚書事魏初置太傅以鍾繇爲之晉宋金章紫綬進賢三梁冠介幘絳朝服佩山元玉梁後魏北齊後周及唐皆有之

臣謹按鍾繇遷太傅有疾時華歆亦以高年病朝見皆使乘輿入殿就坐是後三公有疾遂以爲故事

太保古官太甲時伊尹周成王時召公皆爲之漢平帝
末年始置以鄭冲爲之位在三司上晉武初踐阼以王
祥爲太保進爵爲公加置七官之職太保所以訓護人
主導以德義者也章綬佩服冠秩與太
傅同梁後魏北齊後周隋及唐皆有之

臣謹按晉汝南王亮爲太宰錄尚書事與太保衛瓘
對掌朝政又衛瓘爲太保以公就第置長史司馬從

事中郎掾屬也

太宰於商爲六太於周爲六卿亦曰冢宰周武時周公
始居之掌建邦之治秦漢魏並不置惟平帝加王
莽號曰宰衛晉初依周禮備置三公三公之職太師居
首以景帝名師故置太宰以代之而以安平獻王孚居
焉增掾屬十人蓋爲太師之互名非周冢宰之任也宋
大明中用江夏王義恭爲之冠綬服秩悉與太傅同至
齊以爲贈梁初有之至陳又以爲贈有事則權兼之後
魏初無至孝莊時以太尉上黨王天穆爲之增置佐史

通志

卷五

職官二

五

北齊無聞周後文帝又依周禮建六官遂置天官大冢
宰卿一人掌邦治以建邦之六典佐皇帝治邦國自隋
無而

臣謹按晉何曾爲太宰朝會乘輿入朝劍履上殿如

蕭何田千秋鍾繇故事

太尉秦官漢因之金印紫綬掌武事漢文三年省景帝
三年復置其尊與丞相等五年又省元狩四年更

名大司馬後漢建武二十七年復舊名爲太尉公每帝
初卽位多與太傅同錄尚書事府門無闕掌四方兵事
功課歲盡則奏其殿最而行賞罰凡郊祀之事常亞獻
大喪則告諡南郊凡國有大造大疑則與司徒司空通
而論之國有過事與三公通諫諍之靈帝末虞劉爲大
司馬而太尉如故自此則大司馬與太尉始並置矣魏
亦有之晉太尉進賢三梁冠介幘絳朝服金章紫綬佩
山元玉若郊廟冕服七旒元衣纁裳七章宋制武冠山
元玉齊制九旒後魏初與大將軍不並置正光之後
亦皆置焉歷七代唯後周無其餘皆有悉爲三公

臣謹按月令曰孟夏太尉贊俊傑自上安下曰尉故

武官咸以為號

司徒古官少皞時祝鳩氏為之堯時舜為之舜攝帝位命禹為司徒禹元孫之子曰微亦為夏司徒周時

帝元壽二年罷丞相置大司徒後漢大司徒主徒象教

民以禮義凡國有大疑大事與太尉同建武二十七年

去大為司徒公建安末為相國魏黃初元年改為司徒

晉司徒與丞相通職更置迭廢未嘗並立至永嘉元年

王衍為司徒東海王越為丞相始兩置焉宋制司徒金

章紫綬進賢三梁冠佩山元玉掌治民事郊祀則省牲

視滌濯大喪安梓宮凡四方功課歲盡則奏其殿最而

行賞罰亦與丞相並置齊司徒之府領天下名數戶口

簿籍梁罷丞相置司徒歷代皆有至後周以司徒為地

官謂之大司徒後魏掌邦教

職如周禮隋唐復為三公

司空古官少皞時鳴鳩氏為之舜攝帝位以禹為之高元孫之子曰冥亦為夏司空湯以咎單為司空周

禮司空為冬官掌邦事凡營城起邑復溝洫脩墳防之

事則議其利建其功四方水土功課歲盡則奏其殿最

而行賞罰凡國有大造大疑諫諍與太尉同秦無司空

置御史大夫漢初因之至成帝綬和元年始更名御史

大夫曰司空初改為司空時議者又以縣道官有獄司

空故復加大司空金印紫綬祿比丞相哀帝建武二年

通志

卷五

職官二

六

大司馬

古官也掌武事少皞時鳴鳩氏為之堯時棄為

以曹咎周殷為大司馬漢初不置武帝元狩四年初罷

太尉置大司馬以冠將軍之號霍光以大司馬大將軍

輔政武帝又令大將軍驃騎將軍皆有司馬之號宣

帝地節三年置大司馬以霍禹為之不冠將軍亦無印

綬官屬成帝綬和元年初賜大司馬金印紫綬置官屬

祿比丞相去將軍哀帝建平二年復去大司馬印綬官

屬冠軍如故元壽二年復賜大司馬印綬官屬去將軍位
在司徒上始置大司馬議者以漢有軍候千人司馬
官故加大王莽居攝以漢乃無小司徒而定司馬司空
之號並加大後漢光武建武二十七年省大司馬以太
尉代之故常與太尉迭置不並列至靈帝末始置司馬
魏文帝黃初二年復置大司馬以曹仁居之而太尉如
故則太尉大司馬年復置大司馬各自為官位在三公上吳
左右大司馬晉定令亦在三司上武冠絳朝服金章紫
綬佩山元玉與大將軍同宋時唯元嘉中用彭城王義
康為之冠玉與晉同至齊以為贈梁時置官屬陳以為
贈後魏北齊與大將軍為二大位居三師之下三公
公之上後周以為夏官謂之大司馬卿自隋而無

臣謹按漢律丞相大司馬大將軍俸錢月六萬

大將軍

見武官類

總敘三師三公以下官屬

三師

太師太傅太保歷代多有之

一太

商建官有六太其一曰太宰自周以後亦常有之餘五代

通志

卷五

職官二

七

則三公

太尉司徒司空歷代有之

二大

大司馬大將軍歷代亦有之

諸位從公將

軍及光祿大夫開府者歷代亦時有之

官屬等漢有三師而不見官屬以

丞相為公置司徒直長史後改丞相為司徒則曰司徒直長史其太尉後改為大司馬綏和初始置長史一人

掾屬二十四人御屬一人令史二十四人改御史大夫

為大司空置長史如中丞後漢初唯置太傅有長史一

人掾屬十人御屬一人後晉太師董卓嘗居之蓋自為

也而不見官屬

太尉屬官有長史一人主諸曹事掾史屬二十四人

分主

二千石長史遷除民戶祠祀農桑奏議祠訟黃閭主簿郵驛轉運盜賊罪法兵貨幣鹽鐵倉穀等事

有錄衆事掌
閣下威儀 記室令史掌上章奏報後漢末陳琳阮瑀皆爲曹公記室軍國書檄皆所
作御屬掌爲公卿閣下威儀

司徒屬官有長史一人掾屬三十一人令史及御屬三十六人

司空屬官有長史一人掾屬二十九人令史及御屬三

十二人正曰掾副曰屬漢舊注云公府掾比古元士三命者也或曰漢初掾史辟皆上言之故有秩皆

比命士其所不言則爲百石屬其後皆自辟除故通爲百石云其大司馬屬官並同前

漢魏置太傅太保而不見官屬太尉司徒司空有長史

司馬從事中郎正行參軍大司馬亦有正行參軍也晉

有太宰太傅太保唯楊駿爲太傅增祭酒爲四人掾屬

通志 卷五 職官二 八

二十人兵曹爲左右也太宰太保官屬不見太尉司徒

司空並有長史司馬太尉雖不加兵者吏屬皆絳服泰

始三年又置太尉軍參軍六人騎司馬五人官騎十人

而司徒加置左長史掌差次九品銓衡人倫冠綬與丞

相長史同主簿左右東西曹掾各一人若所有循行者

增置掾屬十人武帝時司徒奏州郡農桑未有賞罰之制宜遣屬循行詔遂使司徒督察州郡

播殖若有耕循行者增掾屬十人又溫嶠請司徒置田曹掾州一人勸課農桑初王渾遷司徒

仍加兵渾以司徒文官主吏不持兵及吏屬絳衣自以

非是舊典皆令阜服論者美其謙而識禮司空府加置

導橋掾一人餘略同後漢成寧初詔以前太尉府爲大

司馬府增置祭酒二人帳下司馬官騎大車鼓吹左右
光祿光祿三大夫開府者皆爲位從公品秩俸賜儀制
與諸公同加兵者增置司馬一人從事中郎二人主簿
記室都督各一人舍人四人兵鎧士曹營軍刺姦帳下
都督外都督令史各一人

主簿以下令史以上皆絳服

司馬給吏卒

如長史從事中郎給侍二人主簿記室都督各給侍一
人其餘臨時增崇者則哀加因其時爲節文不爲定制
其祭酒掾屬白蓋小車大輶車施耳後戶阜輪犢其爲
車各一乘自祭酒以下令史以上皆阜零辟朝服其爲
持節都督者增參軍爲六人其餘如常加兵公制宋有
太傅太保太宰太尉司徒司空大司馬諸府皆有長史

通志

卷三

職官二

九

一人將軍一人又各置司馬一人而太傅不置長史掾
屬亦與漢略同自江左以來諸公置長史倉曹掾戶曹
屬東西閤祭酒各一人主簿舍人二人御屬二人令史
無定員領兵者置司馬一人從事中郎二人參軍無定
員加崇者置左右長史司馬從事中郎四人掾屬四人
則倉曹增置屬戶曹置掾加崇極於此也其司徒府若
無公唯省舍人其府常置其職僚異於餘府有左右長
史東西曹掾屬餘則同矣餘府有公卽置無則省齊有
太宰大司馬竝爲贈官無僚屬太尉司徒司空是爲三
公特進位從公諸開府儀同三司位從公開府儀同如

公凡公督府置佐長史司馬各一人諮議參軍二人諸曹有錄事功曹記室戶曹倉曹中兵外兵騎兵長流賊曹城局法曹田曹水曹鎧曹集曹右戶十八曹局曹以上署正參軍法曹以下署行參軍各一人其行參軍無署者爲兼員其公府佐吏則從事中郎二人倉曹掾戶曹屬東西閤祭酒各一人主簿舍人御屬二人加崇者則左右長史四人中郎掾屬竝增數其未及開府則亦置佐吏其數有減小府無長流置防禁參軍初晉令公府長史著朝服自宋大明以來著朱衣梁武帝受命之初官班多同宋齊之舊有丞相太宰太傅太保大司馬

通志

卷五

職官二

十

太尉司徒司空開府儀同三司等官諸公及位從公開府者置官屬有長史司馬諮議參軍掾屬從事中郎記室主簿列曹參軍行參軍舍人等官其司徒則有左右二長史

褚球爲司徒左長史加紹台佐加紹自球始也

又增置左西掾屬一人

自餘僚佐同於二府有公則置無則省而司徒無公唯省舍人餘官常置開府儀同三司位次三公左右光祿大夫優者則加之曰三公置官屬陳三師二大竝爲贈官而無僚屬其三公有府長史司馬諮議參軍從事中郎掾曹屬主簿祭酒錄事記室正參軍版正參軍後魏三師無官屬後又置太宰以元天穆爲之增置佐吏三

公及二大竝有長史司馬諮議參軍從事中郎掾屬主簿錄事參軍功曹記室戶曹中兵等參軍諸曹行參軍

祭酒參軍事長兼行參軍都護其太尉司徒與二大屬官階同唯司空府官每

階降一北齊三師二大三公各置長史司馬諮議參軍從

事中郎掾屬主簿錄事功曹記室戶曹倉曹中兵騎兵

長流城局刑獄等參軍東西閤祭酒參軍事法墨田水

鎧集士等曹行參軍督護等員司徒則加長史主司馬左右長史

將舍人主問內事皆自秦官也從事中郎從事中郎漢有官也陳湯為大將軍

王鳳從事中郎在主簿掾屬主諸主簿所主與舍人同上其掌秩與長史同曹事祭酒所主亦同

令史主諸曹文書此皆自漢官也御屬參軍自後漢也孫堅參驃

通志

卷五

職官二

五

騎將軍事是也參軍所主與掾屬同其儀同三司如開府者亦置長史以

下官屬而減記室倉城屬田水鎧士等七曹各一人其品

亦下三公府一階其三師後周以太師太傅太保為三

二大佐吏則同太尉府也公而不見僚屬隋三師亦不見官屬而三公依北齊置

府僚後省府及寮佐置公則坐於尚書都省朝之眾務

總歸於臺閣唐三師三公竝無官屬

宰相第二

宰相總序 官屬附

黃帝得六相而天地治神明至虞舜臣堯舉八愷使主后土以揆百事莫不時敘地平天成舉八元使布五教

十四方內平外成謂之十六相及成湯居亳初置二相以伊尹仲虺爲之武丁得傅說爰立作相王置諸其左右周時召公爲保周公爲師相成王爲左右亦其任也秦悼武王三年始置丞相官以樗里疾甘茂爲左右丞相莊襄王又以呂不韋爲丞相及始皇立尊不韋爲相國則相國丞相皆秦官又漢官儀云皆六國時官金印紫綬掌丞天子助理萬幾秦初有左右至二世復有中丞相二世已誅李斯乃拜趙高爲中丞相漢高帝卽位一丞相緣綬以蕭何爲之及誅韓信乃拜何爲相國何薨以曹參爲之孝惠高后置左右丞相文帝二年復置一丞相月俸錢六萬

通志

卷五

職官二

三

成帝綏和元年御史大夫何武建言古者民謹事約國之輔佐必得聖賢然猶則天三光備三公官各有分職今末俗之弊政事煩多宰相之才不能及古而今丞相猶兼三公之事所以大化久未洽也宜建三公官定卿大夫之任分職授政以考功效於是上拜曲陽侯王根爲大司馬而何武自御史大夫改爲大司空皆金印紫

綬比丞相則三公俱爲宰相

漢御史大夫副丞相事若今之同平章事及參知幾

務之類所以漢書云薛貢韋匡迭爲宰相薛宣韋賢匡衡則是丞相而貢禹但爲御史大夫又蕭望之謂朱雲

曰吾備位將相蕭當任御史大夫及前將軍

至哀帝復罷大司空

大司空朱博奏曰帝王之道不必相襲高祖置御史大夫次丞相與正法度

以職相參歷載二百年下安寧今更大司空與丞相同

位故事選郡國守相高第爲中二千石中二千石爲御史大夫任職者爲丞相位次有敘所以尊聖德重國相也今中二千石未更御史而爲丞相非所以重國政元也願罷大司空以御史大夫爲百寮師表帝從之

壽二年更名丞相爲大司徒初漢制常以列侯爲相唯

公孫弘布衣數年登相位武帝乃封爲平津侯其後爲

故事至丞相而封自弘始也到光武絕不復侯或自以際會接立見封漢儀注曰

御史大夫爲丞相更春乃封故先賜爵關內侯李奇曰以冬月非封侯故且先賜爵關內侯白事教

令稱曰君侯春秋之義尊上公謂之宰言海內無不統

焉故丞相進天子御座爲起在輿爲下丞相有病皇帝

法駕親至問疾從西門入丞相有疾御史大夫三朝問起居百寮亦然後漢三公疾

令中黃門問疾魏晉郎及瘳視事尚書令若光祿大夫

黃門郎尤重者或侍中職官二

賜以養牛上尊酒有天地大變天下大通則丞相以疾聞皇帝使侍中持節乘四白馬賜上

尊酒十斛牛一頭策告殃咎使使者回至半道丞相追上

病使者還來白事尚書以丞相不起病聞若丞相不勝

任使者奉策書駕駱馬即時布衣步出府免爲庶人若丞相有他過使使者奉策書駕騶驪馬即時步出府乘

棧車死馬歸田里思過凡丞相府門無闌不設鈴鼓言其大開無

節限後漢廢丞相及御史大夫而以三公綜理衆務則

三公復爲宰相矣至於中年以後事歸臺閣則尚書官

爲機衡之任至獻帝建安十三年復置丞相而以曹公

居之又有相國魏黃初元年改爲司徒而文帝復置中

書監令竝掌機密自是中書多爲樞機之任其後定制置大丞相第一品後有相國齊王以司馬師爲之貴高

通志

卷五

職官二

三

鄉公以司馬昭爲之晉惠帝永寧元年罷丞相復置司

徒永昌元年罷司徒并丞相則與司徒不並置矣其後

或有相國或有丞相省置無常而中書監令常管機要

多爲宰相之任自魏晉以來相國丞相多非尋常人臣

之職晉趙王倫梁王彤成都王穎南陽王保並爲之元帝渡江以王敦爲丞相

轉司徒荀組爲大尉以司徒官屬并丞相爲雷府敦不

受成帝以王導爲丞相罷司徒府以爲丞相府導薨罷

丞相府復爲司徒府宋孝武帝初唯以南郡王義宣爲

丞相而司徒府始如故亦有相國丞相金章素綬進賢

三梁冠絳服佩山元玉相國則綠蓋綬也齊丞相不用

通志

卷五

職官二

十四

人以爲贈官梁罷相國置丞相罷丞相置司徒陳又置

相國位列丞相上并丞相並爲贈官按自魏晉以來宰

相但以他官參掌機密或委知政事者則是矣無有常

官其相國丞相或爲贈官或則不置自爲崇尊之位多

非人臣之職其眞爲宰相者不必居此官魏文帝以劉放孫資爲中

書監令並掌機密晉武帝詔以荀勗爲中書監侍中融贊朝政張華爲中書令侍中劉卞謂華曰公居阿衡之地是也然或掌機密或錄尚書或綜機權或管朝政或

單侍中或給事中或受顧命皆爲宰相也然侍中職任機務之司不必他

名亦多爲宰相後魏舊制有大將軍不置太尉有丞

相不置司徒自正光以後始俱置之神瑞元年置八大

號八然而尤重門下官多以侍中輔政則侍中爲樞密

之任北齊乾明中置丞相河清中分爲左右各置府僚然而爲宰相兼持朝政者亦多爲侍中後周大象宰亦

其任也其後亦置左右丞相大象二年以楊堅爲大丞

相遂罷右左丞相官隋有內史納言即中書令侍中是爲宰相

亦有他官參與焉柳述爲兵部尚書參掌機密又楊唐素爲右僕射與高穎專掌朝政

侍中中書令是真宰相尚書左僕射亦嘗爲宰相其間或改爲納言內史左相右相黃

門監紫薇令等名其本即侍中中書令也共有四員其

僕射貞觀未始加平章事方爲宰相具僕射篇其餘以他官參掌者無定員但加同中書門下三品貞觀

年以兵部尚書李勣同中書門下三品自此始也及平章事知政事參

知政事參與政事及平章軍國重事之名者竝爲宰相

通志 卷五十一 職官二 五

亦漢行丞相事之例也韓安國爲御史大夫行丞相事後漢書曰周澤行司徒事如真

自先天之前其員頗多景龍中至十餘人開元以來常

以二人爲限或多則三人武太后聖歷三年四月敕同中書門下三品平章事賜會

竝同中書門下三品例開元十年十一月敕自今以後

中書門下宜共食實封三百戶二十二年十一月制宰

相兼官者竝天寶十五載之後天下多難勳賢竝建故

備位者衆然其秉鈞持衡亦一二人而已舊制起居舍人及起居郎

唯得對仗承旨仗下之後謀議不得聞武太后時文昌

右丞姓璿以爲帝王謨訓不可無紀若不宣自宰相史

官無從而知表請仗下所言軍國政要則宰相一舊制

人撰錄每月封送史館謂之時政記自璿始也

宰相常於門下省議事謂之政事堂至永淳三年七月

中書令裴炎以中書執政事筆其政事堂合在中書遂

移在中書省開元十二年張說奏改政事堂為中書門

下其政事印亦改為中書門下之印至德二載三月宰

每一人知十日貞元十年五月八日又分每日一人執筆

丞相司直漢武元狩五年置掌佐丞相舉不法位在司

後漢罷丞相光武以武帝故事置司徒司直居司徒府

助司徒督錄諸州郡所舉上奏司直考察能否以別虛

實建武十一年省獻帝建安八年復置司直不屬司徒

掌督中都官不領諸州九年詔司直皆比司隸校尉坐

徒事

臣謹按伏湛光武以其才任宰相拜為司直行大司

丞相長史漢文帝二年置一丞相有兩長史蓋衆史之

通志卷五十一 職官二長也職無不監介饋進賢一梁冠朱衣銅印

黃綬劉屈楚為左丞相分丞相兩史為兩府以待天下

遠方之選得賢則拜右丞相後漢建武中省司直有長

曹史掾屬三十御屬一魏武為丞相置徵事二人舊有

東西曹自魏武大軍還鄴乃省西曹及咸熙中司馬昭

為相國相國府置中衛驍騎二將軍左右長史司馬從

事中郎主簿舍人參軍東西曹及戶賊金騎兵車鑿水

集法奏倉士馬媒等曹掾屬凡四十二人晉元帝以鎮

東大將軍為丞相府置從事中郎分掌諸曹有錄事

郎度支中郎三兵中郎其參軍則有諮議參軍二人主

諷議事江左初置軍諮祭酒有錄事記室東曹西曹等

門下省第三

參軍曹則猶二也又有參軍督護東曹督護二督護江左置也

門下省後漢謂之侍中寺嘉平六年晉志曰給事黃門

侍郎與侍中俱管門下衆事或謂之門下省至齊亦呼

侍中爲門下領給事黃門侍郎公車太學太醫等令丞
及內外殿中監內外驛驛廄散騎常侍給事中奉朝請
駙馬都尉等官梁門下省有侍中給事黃門侍郎四人
掌侍從儉相盡規獻納糾正違闕監合嘗御藥封璽書
後魏尤重北齊門下省掌獻納諫正及司進御之職有
侍中給事黃門侍郎各六人統左右局左右局掌承
華閣內諸事
食尚藥尚衣殿中領殿中監掌駕前奏引行事制諸凡
備補東耕則進報事隋改爲殿內
六局焉隋門下省有納言二人給事黃門侍郎四人煬
帝

滅二及散騎常侍諫議大夫等官竝掌陪從朝直兼統
六局開皇三年罷門下省員外散騎常侍員煬帝卽位
通志 卷三十一 職官二 七

加給事員廢常侍諫議等官又改殿內省隸門下省唐
龍朔二年改門下省爲東臺咸亨初復舊至武太后臨
朝光宅初改爲鸞臺神龍初復舊開元元年改爲黃門
省五年復舊有侍中二人黃門侍郎二人給事中四人
左散騎常侍二人諫議大夫四人典儀二人起居郎左
補闕左拾遺各二人城門郎四人符寶郎四人弘文館
校書二人其餘小吏各有差

侍中 周公戒成王立政之篇所云常伯常任以爲左右
卽其任也秦爲侍中本丞相吏也使五人往來殿
內東廂奏事故謂之侍中漢侍中爲加官凡侍中左右
曹諸吏散騎中常侍皆爲加官漢儀注曰諸吏給事中
日上朝謁平尚書奏事分爲左右曹所加或列於將軍
卿大夫卽將都尉尚書太醫太官史令至郎中多至數

十人侍中中常侍得入禁中諸曹受尚書事諸吏得舉
法漢侍中冠武弁大冠亦曰惠文冠加金璫附蟬爲文
貂尾爲飾侍中服則左貂常侍服則右貂此本趙武靈
王胡服之制秦破趙得其冠以賜侍中漢則因之故便
繁左右與帝升降舊用儒者勳貴子弟樂其觀好左右
襪褌坐受寵位俱帶脂粉綺襦統綉鸚鵡冠直侍左右
分掌乘輿服物下至囊器虎子之屬武帝時孔安國爲
侍中以其儒者特聽掌御唾壺朝廷榮之本有僕射二
人蓋秦漢以侍中功高者一人爲僕射後光武改僕射
爲祭酒或置或否而又屬少府掌贊導衆事顧問應對
法駕出則多識者一人負國璽操斬白蛇劍參乘餘皆
騎在乘輿後獻帝卽位初置六人贊法駕出則次直侍
中一人護駕正直一人負璽陪乘不帶劍餘皆騎從殿
內門下衆事皆掌之後選侍中皆舊儒高德學識淵懿
仰占俯視切問近對喻旨公卿上殿稱制秉笏陪見舊
在尚書令僕射下尚書上司隸校尉見侍中執板揖侍
中舊與中官俱止禁中因武帝時侍中莽何羅拔刀謀
逆由是出禁外有事乃召之畢卽出王莽秉政侍中復
入與中官止禁中章帝元和中郭舉與後宮通拔佩刀
驚上舉伏誅侍中由是復出外秦漢無定員蔡質漢儀

通志

卷五

職官二

六

曰員本八人魏晉以來置四人別加官者則非數御登
樓輿散騎常侍扶侍中居左常侍居右備切問近對拾
遺補闕及江左輿寧四年植溫奏省二人後復舊侍中
漢代爲親近之職魏晉選用稍增華重而大意不異武
冠絳朝服佩水蒼玉舊選列曹尚書美遷中領護吏部
尚書宋文帝元嘉中王華王曇首殷景仁等並爲侍中
情任親密齊侍中高功者稱侍中祭酒其朝會多以美
姿容者兼官永元三年東昏南郊不欲親朝事以主璽
陪乘前代未嘗有梁侍中高功者在職一年詔加侍中
祭酒與散騎侍中高功者一人對掌禁令此頗爲宰相
矣陳侍中亦如梁制後魏置六人加官在其數宜都王
穆壽廣平公張黎並以侍中輔政北齊侍中亦六人後
周初有御伯中大夫二人掌出入侍從屬天官府保定
四年改御伯爲納言斯侍中之職也宣帝末又別置侍
中爲加官隋又改侍中爲納言置二人煬帝大業十二
年又改納言爲侍內隋氏諱忠故也唐初爲納言武德
四年改爲侍中亦置二人龍朔二年改爲左相咸亨元
年復舊光宅元年又改爲納言神龍元年復爲侍中開
元元年又改爲黃門監五年復爲侍中天寶元年改爲
左相至德初復爲侍中自隋至唐皆爲宰相舊班正三

品大歷二年升爲從二品按令文掌侍從負寶獻替贊相禮儀審署奏鈔駁正違失監封題給驛券監起居注總判省事

臣謹按晉武帝時彭權爲侍中帝問侍臣髻頭之義何也權曰秦紀云秦國有怪獸觸山截波無不崩潰

唯畏髻頭故使持之以衛至尊也

門下侍郎秦官有黃門侍郎漢因之與侍中俱管門下衆事無員郊廟則一人執蓋臨軒朝會則一

人執麾凡禁門黃闈故號黃門其官給事於黃闈之內故曰黃門侍郎初秦漢別有給事黃門之職揚雄嘗爲

之後漢併爲一官故有黃門侍郎掌侍從左右給事中之使關通中外及諸王朝見於殿上引王就坐無員屬少

府日暮入對青瑣門拜故謂之夕郎獻帝初卽位置侍中給事黃門侍郎員各六人出入禁中近侍帷幄省尙

書事後改給事黃門侍郎爲侍中侍郎去給事黃門之號旋復故初誅黃門後侍中侍郎出入禁闈機事頗露

通志 卷五 職官二 元

由是王允乃奏比尙書不得出入不通賓客自此始魏晉以來給事黃門侍郎並爲侍衛之官員則人宋制武

冠絳朝服多以中書侍郎爲之齊亦管知詔令呼爲小門下梁增品第與侍中同掌侍從儀相威儀盡規獻納

糾正違闕監合嘗御藥封璽書陳制亦然後魏亦有崔光爲之未嘗留心文案唯從容論議參贊大政北齊置

六人所掌與侍中同後周天官府置御伯下大夫一人武帝改爲納言下大夫隋六人屬門下省至煬帝減二

人而去給事之名唐龍朔二年改黃門侍郎爲東臺侍郎咸通元年復舊光宅元年改爲鸞臺侍郎神龍元年

復舊天寶元年改爲門下侍郎員二人掌侍從署奏鈔駁正違失通判省事若侍中關則蓋封題給驛券

給事中加官也秦置漢因之所加或大夫博士議郎掌顧問應對位次中常侍侍中黃門無員漢官表

曰凡侍中左右曹諸吏散騎中常侍皆加官也諸給事中日上朝調平尙書奏事分爲左右曹以有事殿中故

無加官亦無常員在散騎常侍下給事黃門侍郎上武冠絳朝服宋齊隸集書省梁陳亦掌獻納省諸聞奏後

魏無員北齊亦屬集書省凡六十人後周天官之屬有

悉省之十七年復置為職事官始以劉洎為之顯慶二年遷二員隸中書遂分為左右並金蟬珥貂左屬門下右屬中書左散騎與侍中左貂右散騎與中書令右貂謂之八貂龍朔二年改左右散騎常侍為左右侍極咸亨元年復舊

臣謹按山公啓事曰郗詵才志器局為黃散黃散謂黃門侍郎及散騎常侍又曰散騎常侍闕當取素行者補之

者補之

諫議大夫

秦置諫議大夫掌論議無常員多至數十人屬郎中令至漢武帝元狩五年始更置之及

後漢增諫大夫為諫議大夫亦無常員二漢並屬光祿勳後魏亦曰諫議大夫北齊有七人屬集書省後周地官府有保氏下大夫規諫於天子蓋此其任也隋亦曰諫議大夫置七人屬門下省煬帝廢之唐武德五年復置屬門下龍朔二年改諫議大夫為正諫大夫武后臨朝垂拱二年六月置匱四區共為一室列於朝堂令正

通志

卷五

職官二

五

諫大夫補闕拾遺等一人充使知匱事後又置諫議大夫屬中書開元以來廢正諫大夫復以諫議大夫屬門下凡各四人掌侍從規諫貞元四年分為左右各四員其右諫議大夫隸中書省

臣謹按至德元年九月制諫議大夫論事自今以後不須令宰相先知乾元二年四月兩省諫官十日一

上封事直論得失無假文言冀成殿最用存沮勸

起居

周官有左史記言右史記事蓋今起居之本漢武帝有禁中起居後漢馬皇后撰明帝起居注則漢

起居似在宮中為女史之任又王莽時置柱下五史秩如御史聽事侍傍記其言行此又起居之職自魏至晉

起居注則著作掌之其後起居皆近侍之臣錄記也錄其言行與其動作歷代有其職而無其官後魏始置起

居令史每行幸宴會則在御左右記錄帝言及宴賓客訓答後又別置修起居注二人以他官領之北齊有起

起居之職又有著作二人掌綴國錄則起居注著作之

任自此而分也至隋初以吏部散官及校書正字有敘述之才者掌起居之職以納言統之至煬帝以爲古有外史今著作如外史矣宜置起居官以掌其內乃於內史省置起居舍人二員次內史舍人下唐貞觀二年省起居舍人移其職於門下置起居郎二人顯慶中復於中書省置起居舍人遂與起居郎分掌左右龍朔三年改郎爲左史舍人爲右史咸亨元年復舊天授元年又爲左右史神龍初復舊每皇帝御殿則對立於殿下有命則臨陛俯聽退而書之以爲起居注凡冊命啟奏封拜薨免悉載之史館得之以撰述焉

補闕拾遺

詩云袞職有闕仲山甫補之後漢伏湛出入闕拾遺左右各二員掌供奉諷諫天授二年左右各增

三員通前爲十員三年舉人無賢愚咸加擢用高者試鳳閣侍郎給事中次或試員外郎侍御史補闕拾遺校書郎時頗以爲濫故著於謠曰補闕連車載拾遺平斗量把雅侍御史腕脫校書郎自開元以來尤爲清選左右補闕各一人內供奉者各一人左右拾遺亦然左屬中書

通志

卷五

職官二

三

典儀二人唐置周禮秋官有司儀上士八人中士十六人蓋此典儀之任也齊職儀云東宮殿中將軍屬官有導客局置典儀錄事一人掌朝會之事梁有典儀之職未詳何曹之官掌唱警唱奏之事朱服武冠陳亦有之後魏置典儀監史闕其員及所掌唐初隸門下省初用人皆輕至貞觀末李義府爲之是後常用士人領贊者以知贊唱之節及殿廷版位之次

城門郎

周禮地官有司門下大夫二人上士四人並城門郎之任初漢置城門校尉員一人秩二千石

掌城門屯兵有司馬及丞各一人十二城門候各一人出從經騎百二十人蓋兼監門將軍之職魏因之晉氏品第四銀青光綬絳朝服武冠佩水蒼玉元帝省之宋齊俱以衛尉掌宮城屯兵及管鑰之事梁陳二代依秦漢以光祿卿等掌宮殿門戶亦無城門之職後魏置城門校尉北齊衛尉寺統城門寺置城門校尉二人掌宮殿城門并諸倉庫管鑰之事後周地官府置宮門上士一人下士一人掌皇城十二門之禁令蓋並在其任也隋氏門下省統城門局校尉二人煬帝大業三年又隸殿中省十二年又減一人後又改校尉爲城門郎置四

入又隸門
省唐因之

符寶郎 周官有典瑞掌節二官掌瑞節之事秦爲符璽
光秉政殿中夜驚光召符璽郎取璽郎不肯授光奪之
郎按劍對曰臣頭可得璽不可得也光壯之增秩二等
文帝二年初與郡守爲銅虎符竹使符之制又皆屬焉
後漢有符節令兩梁冠位次御史中丞別爲一臺而符
節令一人爲臺率掌符節之事屬少府魏與後漢同晉
泰始元年省并蘭臺置符節御史掌其事宋因之齊置
主璽令史於蘭臺以治書侍御史領之梁陳御史臺亦
有待節令史後魏御史臺置符節令領符璽郎中北齊
有符節署餘與後魏同後周天官府有主璽下士四人
分掌國璽之藏隋初有符璽局置監二人屬門下省煬
帝改監爲郎唐因之長慶三年改爲符寶郎神龍初復
爲符璽郎開元初復爲符寶郎其符節並納於宮中有
行從則請之郎掌諸
進符寶出納幡節也

弘文館

唐武德初置脩文館後改名弘文館神龍初改爲昭文二年又郤爲脩文尋又爲昭文開元七

通志

卷五

職官二

五

年又詔爲弘文焉儀鳳中以館中多圖籍未詳正委學
士校理自垂拱以來多大臣兼領館中有四部書自貞
觀初褚亮檢校館務學館號爲館主因爲故事每
令給事中一人判館事校書二人學生三十人

中書省第四

中書之官舊矣謂之中書省自魏晉始焉梁陳時凡國
之政事並由中書省有中書舍人五人領之主書十人
書吏二百人分掌二十一局事各當尙書諸曹並爲上
司總國內機要而尙書唯聽受而已被委此官多擅威
勢後魏亦謂之西臺北齊中書省管司王言并司進御
之樂及清商龜茲諸部伶官隋初改爲內史省置令二
人侍郎四人煬帝減侍郎二人舍人八人煬帝減去四

人通事舍人十六人煬帝加起居舍人而改通事舍人為謁者臺職唐武德三年復中書省龍朔二年改爲西臺咸亨初復舊光宅元年改爲鳳閣神龍初復舊開元元年改爲紫薇省五年復舊時謂尙書省爲南省門下中書爲北省亦謂門下省爲左省中書爲右省或通謂之兩省令二人侍郎二人舍人二人右散騎常侍起居舍人右補闕右拾遺各二人通事舍人十六人其餘小吏各有差

中書令

舜攝位命龍作納言出入帝命周官內史掌王之八柄爵祿廢置生殺予奪執國法及國令之

貳以考政事蓋令中書之任其勅置中書之名因漢武帝游宴後庭始令宦者典事尙書謂之中書謁者置令

通志

卷五

職官二

三

僕射不言謁者省文也元帝時令弘恭僕射石顯秉勢用事權傾內外蕭望之以爲中書政本宜以賢明之選更置士人自武帝用宦者非舊制也成帝建始四年改中書謁者令曰中謁者令更以士人爲之皆屬少府後漢因之魏武帝爲魏王置祕書令典尙書奏事此其任也文帝黃初初改爲中書令又置監以祕書左丞劉放爲中書監右丞孫資爲中書令並掌機密中書監令始於此也及明帝時中書監令號爲專任晉因之置監令一人始皆同車及和嶠爲令荀勗爲監嶠素鄙荀以意氣加之專車而坐自此監令始異車魏晉以來中書監令掌贊詔命記會時事典作文書以其地在樞近多承寵任是以人固其位謂之鳳凰池晉制銅印墨綬進賢兩梁冠絳朝服佩水蒼玉乘輅車東晉嘗併其職入散騎尋復置之宋冠佩印綬與晉同梁中書監令清貴華重大臣多領之其令舊遣吏部尙書才地俱美者爲之陳因梁制後魏亦有監令高允爲中書令孝文重之不名呼爲令公北齊因魏制後周置內史中大夫二人掌王言亦其任也隋初改中書爲內史置監令各一人尋廢監置令二人帝廢三公府寮令中書令與侍中知政事遂爲宰相之職煬帝大業十二年又改內史爲內

書後復爲內史令唐武德初爲內史令三年改爲中書令亦置二人龍朔二年改爲右相咸亨元年復爲中書令開元元年改爲紫微令五年復爲中書令天寶元年改爲右相至德初復爲中書令自隋至唐皆爲宰相舊班正三品大歷二年升爲從二品按令文掌侍從獻替制敕冊命敷奏文表授冊監起居注總判省事

中書侍郎

漢置中書領尙書事有丞郎魏黃初中書既置監令又置通事郎魏志曰掌詔草卽漢

尙書郎之位次於黃門郎黃門郎已署事過通事乃署名已署奏入爲帝省讀書可後改通事郎爲中書侍郎晉置四員及江左初又改爲通事郎尋復爲中書侍郎其職副掌王言更入直省五日從駕則正直從次直守宋中書侍郎進賢一梁冠介幘絳朝服用散騎常侍爲之齊梁皆四人梁以功高者一人主省內事陳因之後魏北齊置四員隋初爲內史侍郎亦四員煬帝減二員改爲內書侍郎唐初爲內史侍郎武德三年改爲中書侍郎龍朔以後隨省改號而侍郎之名不易舊制正四品至大歷二年升從三品員二人掌侍從獻替制敕冊命敷奏文表通判省事

通志

卷五

職官二

五

中書舍人

魏置中書通事舍人或曰舍人通事各爲一職魏明帝時有通事劉泰晉江左乃合之謂

之通事舍人直西省卽侍郎兼職而掌其詔命宋初又置中書通事舍人四員又直閣內出宣詔命凡有陳奏皆舍人持入參決於中自是則中書侍郎之任輕矣齊永平初中書通事舍人四員各任一省時謂之四戶權傾天下與給事中爲一流梁用人殊重簡以才能不限資地多以他官兼領後除通事字直曰中書舍人專掌詔詰兼呈奏之事魏晉以來詔詰並由中書令及侍郎掌之至是始專於舍人陳置五人後魏有舍人省而不言其員北齊舍人省掌署執行下宣旨勞問領舍人十人八員專掌詔詰煬帝減四人後改爲內書舍人唐初爲內史舍人至武德三年改爲中書舍人置六員龍朔以後隨省改號而舍人之名不易專掌詔詰侍從署敕宣旨勞問授納訴訟敷奏文表分判省事自永淳以來天下文章道盛頭鬢鬚彥無不以文章達放中書舍人之盛選諸官莫比焉

臣謹按後漢章和以後尚書爲機衡之任尚書郎含
香握蘭直宿於建禮門太官供膳奏事明光殿下筆
爲詔誥出語爲誥令曹公爲魏王置祕書令典尚書
奏事則祕書之職近密尚書之職疏遠魏文帝初改
祕書爲中書自後歷代相沿竝管樞密而後漢尚書
郎非今之尚書郎乃中書舍人也

通事舍人

秦置調者漢因之掌贊贊受命員七十人秩比六百石選孝廉年未五十威容嚴恪能備

贊者爲之燕太子使荆軻劫始皇變起兩楹之間其後
謁者持匕首刺腋漢高帝偃武行文故易之以版有僕
射秩比千石冠高山冠後漢有常侍謁者五人謁者三
十五人以謁者僕射爲謁者臺士主銅印青綬天子出
掌奉引謁者僕射見尚書令對揖無敬謁者見執版拜
謁者初上官稱曰灌謁者滿歲稱給事胡廣云灌者明

通志

卷之五

職官二

三

章二帝服勤園陵調者灌柏後遂假茲名焉雷義爲灌

謁者使持節督郡國行風俗太守令長雷者凡七十人

和帝時陳郡何熙爲謁者僕射贊拜殿中音動左右然

則又掌唱贊漢儀曰謁者缺選郎中美鬚眉大音者以

補之功次當遷欲雷增秩者許之二漢隸光祿勳魏置

僕射掌大拜授及百官班次統調者十人及晉武帝大明

射以謁者并蘭臺江左復置僕射後又省宋武帝大明

中復置僕射一人職與魏同亦領謁者十人掌小拜授

及百官報章齊因之梁調者臺僕射掌朝覲賓享之事

屬官調者十人掌奉詔出使拜假朝會賓贊功高者一

人爲假史掌差次謁者陳亦有之後魏北齊調者臺掌

凡諸吉凶公事導相禮儀僕射二人調者三十人隋煬

帝增置謁者司隸二臺并御史爲三臺調者臺有大夫

一人掌受詔勞問出使慰撫持節策授及受寬枉而申

奏之駕出對御史引駕領議郎以下官其屬官有丞主
簿錄事等尋詔門下內史御史司隸調者五司監受表
以爲常式不復專任謁者矣隋初始置通事舍人十六
員承旨宣傳開皇二年又增爲二十四員及煬帝置謁
者臺乃改通事舍人爲謁者臺職謂之通事謁者置二
十人又於建國門外置四方館以待四方使者隸鴻臚

寺唐廢調者臺復以其地爲四方館改通事調者爲通事舍人掌通奏引納辭見承旨宣勞皆以善辭令者爲之隸四方館而又屬中書省

集賢殿書院

唐開元中置漢魏以來祕書省有其職梁武帝於文德殿內列藏衆書北齊有文林

館學士後周有麟趾殿學士皆掌著述隋平陳之後寫書正副二本藏于宮中煬帝於東都觀文殿東西廂貯書自漢延熹至隋唐皆祕書掌圖籍而禁中之書時或有焉及太宗在藩邸有秦府學士十八人其後弘文崇文館皆有學士則天時亦有珠英學士皆其任也開元五年十一月於乾元殿東廊下寫四部書仍令祕書監馬懷素右散騎常侍褚無量總其事於麗正殿安置爲修書使至十三年學士張說等宴於集仙殿於是改殿名集賢改修書使爲集賢殿書院學士五品以上爲學士六品以下爲直學士每以宰相爲學士知院事說累辭大燕國公張說爲中書令以爲大學士知院事說累辭大字詔許之其後更置修撰校理官又有待制官名其來尙矣漢世朱買臣待詔公車東方朔等待詔金馬門是也又有待講學士開元中褚無量馬懷素待講禁中爲

通志

卷五

職官二

三

侍讀其後康子元等爲侍講學士修撰官校理爲司直學士

史館

史官黃帝有之自後顯著夏太史終古商太史向

其官又春秋國語引周志及鄭書似當時記事各置其職秦有太史令胡毋敬至漢武始置太史以司馬談爲之卒其子遷嗣卒後宣帝以其官爲令行太史公文書其修撰之職以他官領之於是太史之官唯知占候而已自漢以前職在太史當王莽時改置柱下五史記疏言行自後漢以後至于有隋中間唯魏明太和史職隸中書其餘悉多隸祕書唐武德初因隋舊制史官屬祕書省著作局自是著作局始罷史職及大明宮初成省北宰相監修自是著作局始罷史職及大明宮初成置史館於門下省之國其修撰史事以他官兼領或卑品而有才者亦直焉開元二十五年宰臣李林甫監史以中書切切樞密記事者宜其附近遂移於中書省北

其地本尙藥局內藥院

通志卷第五十二

通志卷第五十三

宋 右 迪 功 郎 鄭 樵 漁 仲 撰

職官略第三

尚書省第五上 并總論尚書

秦時少府遣吏四人在殿中主發書故謂之尚書尚猶主也漢承秦置及武帝遊宴後庭始用宦者主中書以司馬遷爲之中閒遂罷其官以爲中書之職至成帝建始四年罷中書宦者又置尚書五人一人爲僕射四人分爲四曹通掌圖書祕記章奏之事及封奏宣示內外而已其任尤輕至後漢則爲優重出納王命敷奏萬機

通志

卷五

職官三

一

蓋政事之所由宜選舉之所由定罪賞之所由正斯乃文昌天府衆務淵藪內外所折衷遠近所稟仰故李固云陛下之有尚書猶天之有北斗斗爲天之喉舌尚書亦爲陛下之喉舌斗斟酌元氣運平四時尚書出納王命賦政四海令及左丞總領綱紀無所不統僕射及右丞分掌廩假錢穀漢初尚書雖有曹名不以爲號及靈帝以侍中梁鵠爲選部尚書於是始見曹名總謂之尚書臺亦謂之中臺大事八座連名而有不合得建異議二漢皆屬少府魏置中書有監監令遂掌機衡之任而尚書之權漸減矣晉以後所掌略同八座丞郎初拜竝

集都省交禮遷職又解交本漢制也至於晉宋唯八座解交丞郎不復解交也宋曰尚書寺居建禮門內亦曰尚書省亦謂內臺每八座以下入寺門生隨入者各所差不得雜以入士凡尚書官大罪則免小罪遣出遣出者百日無代人聽還本職其令及二僕射出行分道之制與中丞同令僕各給威儀十八人自晉以後八座及郎中多不奏事梁天監元年詔曰自禮闈陵替歷茲永久郎寺備員無取職事祿糶文案貴尚虛閒空有趨墀之名了無握蘭之實曹郎可依昔奏事自是始奏事矣

又詔尚書中有疑事先於朝堂參議然後啓聞舊尚書

通志

卷五

職官三

二

官不以爲贈唯朱异卒特贈右僕射武帝寵之故也自魏晉重中書之官居喉舌之任則尚書之職稍以疏遠至梁陳舉國機要悉在中書獻納之任又歸門下而尚書但聽命受事而已後魏天興元年置八部大人於皇城四方四維面置一人以擬八座謂之八國各有屬官分尚書三十六曹天賜元年罷尚書三十六曹別置武歸修勤二職分主省務

武歸比郎中修勤比令史

至神麇元年始置

僕射左右丞及諸曹尚書十餘人各居別寺北齊尚書省亦有錄令僕射總理六尚書事謂之都省亦謂之北省後濟北王以太子監國立大都督府與尚書省分理

衆事仍開府置佐後周無尙書隋及唐皆有其制略同
凡尙書省事無不總龍朔二年改尙書省爲中臺咸亨

初復舊光宅元年改爲文昌臺垂拱元年又改爲都臺

咸通初復舊長安三年又改爲中臺神龍初復爲尙書

省亦謂南省都堂居中左右分司都堂之東有吏部戶部禮

部三行每行四司左司統之都堂之西有兵部刑部工

部三行每行四司右司統之凡二十四司分曹共理而

天下之事盡矣左右僕射各一人總統省事左丞一人

掌轄吏部戶部右丞一人掌轄兵部刑部

禮部十二司事工部十二司事左右司郎中

各一人員外郎各一人各掌付左右丞尙書六人吏部

刑工六部侍郎九人吏部戶部兵部各

各一人吏部戶部兵部各二人郎中二十八人

吏部戶部兵部刑部各二十人員外郎二十九人吏部

四部及司勳各二人餘司各一人都事六人

臣謹按蔡質漢儀曰凡三公列卿將大夫五營校尉

行複道中遇尙書令僕射左右丞郎御史中丞侍御

史皆避車先相廻避衛士傳不得忤臺官臺官過乃

得去至晉宋以來尙書官上朝及下禁斷行人猶其

制也

通志

職官三

三

錄尙書 尙書令 僕射左右丞左右司郎中員外郎附尙書總

序八座附 郎官總序 都事主事令史總序 行臺

省總序

錄尚書 自漢武帝時左右曹諸吏分平尚書奏事知樞
要者始領尚書事張安世以車騎將軍霍光以
大將軍王鳳以大司馬師丹以左將軍並領尚書事後
漢章帝以太傅趙喜太尉牟融並錄尚書事尚書有錄
名蓋自喜融始亦西京領尚書事之任也和帝時太尉
鄧彪為太傅錄尚書事位在三公上漢制遂以為常每
少帝立制置太傅錄尚書事猶古冢宰總己之義薨輒
罷之鄧彪錄尚書事後以老病上還樞機職又李固張
禹張防並錄尚書事自魏晉以後亦公卿權重者為之
職無不總晉宗室會稽王道子及世子元顯並錄尚書
事時道子為東錄元顯為西錄晉康帝時何充辭錄表
曰成康中分置三錄王導錄其一荀崧陸暉各錄一條
事晉江左有四錄則四人參錄也凡重號將軍刺史皆
得命曹授用唯不得施陳及加節宋孝武孝建中不欲
威權外假省錄大明未復置此後或置或省齊世錄尚
書令並總領尚書臺二十曹為內臺主行遇諸王以下
皆禁駐號為錄公齊明帝為宣成王錄尚書廢帝昭業
思蒸魚太官以無錄公命不與高帝崩遺詔以褚彥回

通志

卷五

職官三

四

錄尚書事江左以來無單為錄者有司擬立優策王儉
議宜有策書乃從之北齊錄尚書一人位在令上掌與
察自隋而無

尚書令

商湯制官有冢宰君薨則百官總己以聽焉故
伊尹以三公攝冢宰周之冢宰為天官掌邦之

治六卿之職總屬焉於百官無所不主至秦置尚書令
尚主也漢因之銅印青綬武帝用宦者更為中書謁者
令成帝去中書謁者令官更以士人為尚書令時弘恭
石顯相繼為中書令專權邪僻前將軍蕭望之領尚書
事建言以為尚書百官之本國家樞機宜以通明公正
之人處之武帝游宴後庭故用宦者非古制也宜罷中
書宦官後漢眾務悉歸尚書三公但受成事而已尚書
令主贊奏事總領紀綱無所不統與司隸校尉御史中
丞朝會皆專席而坐京師號曰三獨坐故公為令僕射
者朝會不陞奏事天子封禪則尚書令奉玉牒檢兼藏
封之禮魏晉印綬與漢同冠進賢兩梁納言幘五時朝
服佩水蒼玉受拜則策命之以在端右故也薨於朝堂
發哀太熙元年詔曰夫總百揆之得失管王政之開塞
者端右之職也是以自漢代以來慎選其人議郎王戎

可爲尙書令自魏晉以下任總機衡事無大小咸歸令僕齊梁舊用左僕射美遷司空梁陳並有之後魏北齊掌彈糾見事與御史中丞更相廉察隋亦總領衆務唐尙書令朝服鷲冕八旒七章三梁冠武德初太宗爲秦王嘗居之其後人臣莫敢當故自龍朔三年制廢尙書令至廣德中郭子儀勳業旣盛乃特拜焉子儀以文皇帝放讓不敢受

臣謹按謝朓爲司徒尙書令朓辭脚疾不堪朝謁仍角巾自輿詣雲龍門謝旣見乘小車就席

僕射 秦官漢因之自侍中尙書博士郎皆有之古者重武官以善射者掌事故有主射以督課僕主也軍屯吏騎宰丞悉宮人皆有僕射隨所領之事以爲號也成帝建始元年初置尙書五人以一人爲僕射主封門掌授廩假錢穀而鄭尙書爲尙書僕射亦數諫諍每見曳革履上笑曰我識鄭尙書履聲後漢尙書僕射一人署尙書事令不在則奏下衆事印綬章服與令同獻帝建安四年以執金吾榮邵爲左僕射衛臻爲右僕射侍者

分置左右蓋自此始經魏至晉及於江左省置無常置二則爲左右僕射或不兩置但曰尙書僕射令闕則左尙書尙書省主若並闕則置尙書僕射以主左事置祠部尙書以掌右事則尙書僕射祠部尙書不恆置矣宋尙書僕射勝右減左右居二者之間僕射職爲執法置二則爲左右執法又與尙書分領諸曹兼掌彈舉故王弘爲僕射奏彈康樂縣侯謝靈運淫其孽女請免官削爵付大理內臺舊體不得用風聲舉彈此事彰赫暴之朝野不敢拱默武帝令免官而已齊左右僕射行則分道左僕射領殿中主客二曹右僕射領祠部儀曹黃案左僕射上署右僕射次署凡僕射掌朝覲尙書掌獻奏都丞任在彈違齊梁舊制右僕射遷左僕射左居上右居下令其僕射處於中陳亦然後魏二僕射左居上右居下北齊僕射職爲執法置二則爲左右僕射皆與令同左糾彈而右不糾彈隋文帝開皇三年詔左右僕射從二品左掌判吏部禮部兵部三尙書御史糾不當者兼糾彈之右掌判都官度支工部三尙書又知用度餘並依舊唐左右二僕射因前代本副尙書令自尙書令廢闕二僕射則爲宰相故太宗謂房元齡杜如晦曰公爲僕射當洞開耳目訪求賢才是爲宰相宏益之道今以決

通志 卷之五 職官三 五

辭聽訟不暇豈助朕求賢之意乃令尙書細務悉委於兩丞其寬濫大故當奏聞者則關於僕射及貞觀未除拜僕射必加同中書門下平章事及參知機務等名方爲宰相不然則否然爲僕射者亦無不加焉至開元以來則罕有加者初龍朔二年改左右僕射爲左左匡政咸通元年復舊用品第四上元二年開三月制尙書省頒下諸州府宜用黃紙武太后改二僕射爲文昌左右相進階爲從三品尋復本階神龍初復爲左右僕射二年九月敕門下及都省宜曰別錄制敕三月一進開元元年改爲左右丞相從二品統理衆務舉持綱目總判省事御史糾不當者兼得

臣謹按漢儀丞相進天子御坐爲起在輿爲下有疾

法駕至第問得戮二千石申屠嘉欲斬內史鼂錯是

也臣又按後魏之制令僕射中丞騶唱而入宮門至

於馬道及郭祚爲僕射以爲非盡恭之宜乃奏請御

通志

卷五

職官三

六

在太極騶唱至公車門御在朝堂止司馬門騶唱不

入宮自此始也臣又按唐開元二年四月敕在京有

訴冤者竝於尙書省陳牒所司爲理若稽延致有屈

滯者委左右丞及御史臺訪察聞奏如未經尙書省

不得輒於三司越訴

左右丞

秦置尙書丞一人屬少府漢因之至成帝建始四年置丞四人及後漢光武始減其二唯置左

右丞佐令僕之事臺中紀綱無所不總左丞主吏民章

服及騶伯史右丞與僕射皆掌授廩假錢穀又假署印

綬及紙筆墨諸財用庫藏左右丞闕以次右郎補之三

歲爲刺史漢御史中丞侍御史行複道中遇尙書及丞

鄭避車執版揖丞即坐車舉手禮之車過遠乃去尙書言左右丞敢告知如詔書律令郎見左右丞對揖無敬稱曰左右丞丞郎見尙書執版揖稱曰明時郎見令僕執版拜朝賀對揖魏晉左右丞銅印青黑綬進賢一梁

冠介幘絳朝服左丞主臺內禁令寢廟祠祀朝儀禮制
選用置吏糾諸不法無所迴避兼糾彈之事右丞掌臺
內庫藏廬舍凡諸器用之物及刑獄兵器器督錄遠道文
書章表奏事宋因之而右丞亦主錢穀皆銅印黃綬白
案則右丞上署左丞次署黃案則左丞上署右丞次署
諸立格制及詳讞大事郊廟朝廷儀禮亦左丞上署右
丞次署梁皆銅印黃綬一梁冠陳因之後魏北齊左丞
爲上階右丞爲下階北齊左丞掌吏部考功主爵殿中
儀曹三公祠部主客左右中兵左右外兵都官二千石
並糾駁之右丞掌駕部虞曹屯田起部兵部比部水部
膳部金部倉部庫部十一曹亦管轄臺中唯不糾彈餘
悉與左同隋左右丞掌分尚書諸司糾駁唐因隋制龍
朔二年改爲左右肅機咸通元年復舊左丞掌管轄諸
司糾正省內幹吏部戶部禮部等十二司通判都省
事右丞掌管兵部刑部工部等十二司餘與左丞同

臣謹按晉傅咸答辛曠詩序曰尚書左丞彈八座以

下居萬機之會乃皇朝之司直天臺之管轄又郗詵

通志

卷五

職官三

七

爲左丞奏推吏部尚書崔洪洪曰我舉郗丞而還奏

我此挽弓自射又按齊任遐爲右丞奏御史中丞陸

澄不糾事請免澄官是右丞可以糾御史也又按隋

元壽爲尚書左丞蕭摩訶妻患將死奏令其子向江

南收家產壽奏劾之曰摩訶遠念資財近忘匹好令

其子捨危俊之母爲聚斂之行御史韓微之等見而

不彈請付大理臣忝居左轄無容寢默是左丞亦可

以糾御史也

左右司郎中隋煬帝三年於尚書都省初置左右司郎
二人品同諸曹郎從五品掌都省之職唐

貞觀二年改爲郎中龍朔二年改爲左丞務咸通元年
復舊令掌副左右丞所管諸司事省署鈔目勘稽失知

省內宿直判都省事若右司不在則左併行之左司不在右亦如之

員外郎 唐武后永昌元年置與郎中分掌曹務神龍元年省二年復置

尚書總序 八座附

秦尚書四人漢成帝初置尚書五人其一人為僕射四

人分為四曹 尚書曹名自此而有 常侍曹 主公卿 二千石曹 主郡國

民曹 主凡吏民上書 客曹 主外國夷狄 後又置三公曹 主斷獄 是為五

曹後漢尚書五曹六人其三公曹尚書二人 掌天下歲盡集課州郡

吏曹 掌選舉齊祠後漢志謂之常侍曹亦謂之選部 二千石曹 掌中郡官水火盜賊辭訟

罪法亦謂 民曹 鹽池苑園 客曹 則護駕後漢光武分

二千石曹及客曹為 兩梁冠納言幘或說有六曹 案後漢志

通志

卷五

職官三

八

云分客曹為二是一為六曹張陵為尚書歲朝梁冀帶劍

入省陵財令奪劍劾冀詔以歲俸贖又鄭均為尚書淡

消無為以病還第賜尚 書祿號為白衣尚書 魏有吏部左民客曹五兵度支

凡五尚書晉初有吏部三公客曹駕部屯田度支六曹

無五 兵 太康有吏部殿中五兵田曹度支左民為六曹尚

書 無駕部三公客曹 及度江有吏部祠部五兵左民度支五尚

書 皆銅印墨綬進賢兩梁冠納言幘絳朝服佩水蒼玉乘韞車阜輪執笏負荷加侍官者武官左紹金蟬

宋有吏部祠部度支左民 左民尚書統左民及駕部二曹 都官五兵六

尚書 尚書納言幘進賢兩梁冠佩水蒼玉 齊梁與宋同 侯景改梁五兵為七兵尚書又職官

錄曰齊尚書品 亦別有起部而不常置也 梁何允為左 服悉與令同 民尚書後辭 官隱於若邪山雲門寺敕給白衣尚書祿又到治為御

史中丞兄漉為左民尚書舊中丞不得入尚書下舍治

引服親不應有礙刺史省詳決乃詳
入概省亦以其兄弟素篤不能相別
陳與梁同後魏初

有殿中掌殿內兵樂部掌技樂及駕部掌牛馬南部掌

邊州北部掌北邊五尚書其後亦有吏部初曰兵部都

官度支七兵祠部民曹等尚書又有金部庫部虞曹儀

曹右民宰官元禎為都都牧元禎為都牧曹右曹太倉

太官祈曹神都儀同曹等尚書自金部以下但有尚

齊有吏部殿中殿中統殿中曹主駕行百官曹守名祠

部五兵都官度支六尚書後周無尚書隋有吏禮兵刑

戶工六部尚書唐尚書與隋同龍朔二年改尚書為歷

代吏部尚書及侍郎品秩悉高於諸曹

通志 卷五 職官三 九

八座後漢以六曹尚書并令僕二人謂之八座魏以五

曹尚書二僕射一令為八座宋齊八座與魏同梁晉陳

座之隋以六尚書左右僕射及令為八座唐與隋同凡

代尚書有五曹則以二僕射一令為八座有六曹則以

左右僕射為一座兼令共為八座若有六曹而左右僕

射並闕則以尚書僕射及令為八座若尚

書唯有五曹又無左右僕射則不備矣

郎官總序

郎官謂之尚書郎漢置四人分掌尚書事一人主匈奴

單于營部一人主羌夷民一人主戶口墾田一人主

財帛委輸後漢尚書侍郎三十六人後漢志曰尚書六

一曹六人曹侍郎三十六人主作文書草取孝廉年未五十先試箋奏選有

吏能者爲之從三署諸臺試初上臺稱守尙書郎中滿
歲稱尙書郎三歲稱侍郎五歲遷大縣其遷爲縣令縣
令秩滿自占縣詔書賜錢三萬與三臺租錢餘官則否
吏部典劇多超遷者鄭弘爲僕射奏以臺職任尊而賞
薄人無樂者諸吏郎補二千石自此始也八座受成事
決於郎下筆爲詔策出言爲詰命後漢尙書陳忠上疏曰尙書出納帝命爲
王喉舌之官臣等旣愚闇諸郎多文俗吏鮮有雅才每爲詔文宣示內外轉相求請其入直官供
青縑白綾被或以錦繡爲之緹私列反給帳惟茵褥通

中枕太官供食物湯官供餅餌及五熟果實之屬五日
一美食下天子一等給尙書郎侍史一人女侍史二人

通志

卷五

職官三

十

皆選端正妖麗執香鑪香囊護衣服奏事明光殿省省
中皆以胡粉塗壁畫古賢烈女以丹朱漆地故謂之丹
堦尙書郎口含雞舌香以其奏事答對欲使氣息芬芳
也奏事則與黃門侍郎對揖黃門侍郎稱已聞乃出丞
郎月賜赤管大筆一雙隄麋墨一笏馮豹爲尙書郎每奏事未報常俯伏
省閣下或從昏至明天子默使持被覆之不驚也日魏暮諸郎下豹每獨在後帝嘉之隄麋今沂陽縣出墨
自黃初改祕書爲中書置通事郎掌詔草即今中書而舍人之任

尙書郎有二十三人

有殿中吏部駕部金部虞曹比部南主客禮部度支部農部水部

儀曹三公倉部民曹二千石中兵外兵別兵都兵考功定讞

非復漢時職任青龍二

年尙書令陳矯奏置都官騎兵合凡二十五郎每一郎

缺白試諸孝廉能給文案者五人謹封奏其姓名以補

之魏韓宣為尙書郎嘗以職事當受罰已晉尙書郎選

極清美號為大臣之副武帝時有三十四曹加魏直事屯田起部

左士右南土其民曹中兵外兵分為左右主客又屯田起部後又置

運曹為三十五曹置郎中二十三人更相統攝晉魏舒

郎時欲沙汰郎官非其才者罷之舒曰吾郎為尙書

其人也襍被而出同寮無清論者咸有媿色或為三十

六曹當五王之難其都官中騎三曹郎晝出督戰夜還

理事東晉有十五曹殿中祠部吏部儀曹三公比部金

中兵自過江之後官資小減王坦之選曹將擬為尙書郎

郎正用第二人何得以此見擬其于國寶好傾側媚人

謝安惡之除尙書郎國寶以為中興膏腴之族唯作吏

部不作餘曹郎辭不拜又宋江智淵改尙書庫部郎時

高流官序不為臺郎智淵門孤授寡此選意不悅固辭

不拜梁王筠除尙書殿中郎王氏過江以來未有居郎

署者或勸不就筠曰陸平原東南之秀王文度獨步江

東吾得比蹤昔人何桓元僭位改都官郎為賊曹宋高

祖時有十九曹元嘉以後有二十曹郎三公比部主法

制度支主算都官主軍事刑獄其餘曹所掌各如其名

宋武帝初加置騎兵主客起部水部四曹并東晉舊十

五曹合為十九曹元嘉十八年增刪定曹郎即魏世之

定科郎也三十年又置功論齊謝眺遷尙書吏部郎上表三讓中

郎亦有表讓之禮書疑眺官未及讓以問沈約約曰宋

元嘉中范曄讓吏部朱循之讓黃門蔡興宗讓中書並

三表詔答其事宛然近代小官不讓遂成常俗恐此有

乖讓意王藍田劉安西並貴重初自不讓今豈可慕此

不讓邪孫興公孔顛並讓詔室今豈可三署皆讓邪謝

卷五

職官三

十一

吏部今授超階讓別梁加三曹為二十三曹殿中虞曹屯田其

郎中舊用員外郎正主簿正佐有才地者為之遷通直

郎天監三年復置侍郎視通直郎郎中遷為之梁到洽為尚書

殿中郎洽兄弟羣從遞居此職時人榮之又殿中郎闕

武帝曰此曹舊用文學且居鴈行之首宜詳擇其人乃

以張緬陳有二十一曹後魏三十六曹至西魏改為十

二部北齊有二十八曹吏部考功主爵殿中儀曹三公

左中兵右中兵左外兵右外兵都兵都官二千石

比部水部膳部度支倉部左民右民金部庫部其吏

部三公各二人餘竝一人凡三十郎中後魏北齊唯置郎中隋初

尚書有六曹二十四司凡領三十六侍郎吏部司勳主

職方都官司門度支戶部比部刑部等侍郎各二人主

曾考功禮部祠部駕部庫部金部倉部工部屯田虞部

通志卷五職官三

水部侍郎分司官曹務直禁省如漢之制至開皇三年

各一人二十四司又各置員外郎一人以司其曹之籍帳侍郎

闕則離其曹事今尚書員外郎其置自此始以前歷代

之侍郎皆無員外之號前代史傳及職官要錄或有言

員外郎者蓋謂員外散騎侍郎耳非尚書之職前代所

言即官上應列宿蓋謂三煬帝即位以六尚書六曹各

署郎非謂今尚書郎中也

置侍郎一人以貳尚書之職今之侍郎其置自此始也

之名舊矣漢凡諸郎皆掌更直執戟宿衛諸殿門以侍

衛之故通謂之侍郎故武帝時東方朔為郎當時謂之

官不過侍郎位不過執戟是也歷代尚書亦有侍郎隨

初尚書諸曹二十四司諸郎皆謂之侍郎通若今之郎

官耳非今六部侍郎之任

改諸司侍郎但曰郎則今郎

自漢以來尚書侍郎悉然

又改吏部為選部郎禮部為儀部郎兵為兵部曹郎刑

部爲憲曹郎工部爲起曹郎以異六侍郎之名廢諸司員外郎而每司增置一曹郎各爲二員都司置左右司郎中各一人品同諸曹郎掌都省之職尋又每減一郎置承務郎一人同開皇員外郎之職唐改隋諸司郎爲郎中每曹又復置員外郎武德六年廢六司侍郎貞觀二年復舊今尙書省有左右司郎中各一人員外郎各一人分管尙書六曹事其諸曹諸司郎中總三十一人通謂之郎官尤重其選其職任名數各列在六曹之後凡郎中章服皆元冕五旒衣無章裳刺黻一章兩梁冠

通志

卷五十五

職官三

三

都事主事令史總序

都事晉有尙書都令史八人秩二百石與左右丞總知都臺事宋齊八人梁五人謂之五都令史職與晉同舊用人常輕武帝詔曰尙書五都職參政要非但總領衆局亦乃方軌二丞頃雖求才未臻妙簡可革用士流以盡時彥乃以都令史視奉朝請其時以太學博士劉訥兼殿中都司空法曹參軍劉顯兼吏部都太學博士孔虔孫兼金部都司空法曹參軍蕭軌兼左民都宣毅墨曹參軍王爾兼中兵都五人並以才地隋開皇初改都令史爲都事置八人煬帝分隸六尙書置六人領六曹事唐因之

主事漢官

漢有南北庭主事三署之事於諸郎茂才者爲之後漢范滂自光祿四行遷光祿主事時

陳蕃為光祿勳滂執公儀詣蕃蕃亦不止滂懷恨投賊棄官而去郭泰聞之曰若范滂博者豈宜以公禮隔之蕃乃謝之又胡伯蕃公沙穆並為之後魏於尚書諸司置主事令史隋於諸省又各置主事令史員煬帝三年並去令史之名但曰主事隨曹閒劇而每十令史置一主事不滿十者亦一人雜用士人唐並用流外

令史漢官也後漢尚書令史十八人曹有三人主書後

增劇曹三人合二十一一人皆選於蘭臺符節簡練有吏

能者為之漢官儀云能通管頴史籀篇補蘭臺令史滿歲補尚書令史滿歲為尚書郎後漢韋彪上

疏曰往時楚獄大起故置令史以助郎職而其尚書郎類多小人奸名姦利今者務簡可皆停省

初與令史皆主文簿其職一也郎闕以令史久次者補

通志

卷五

職官三

高

之光武始革用孝廉孝廉恥焉故事尚書郎闕以令史久次補之光武始改用

孝廉為郎而孝廉丁郎稱病不就詔問實病羞為郎乎

對曰臣實不病耻以孝廉為令史職耳帝怒杖之數十

詔問欲為郎否郎曰能殺臣者陛下不能為郎者臣也

中詔遣出終不能為郎又郎中袁著詣闕上書訟梁冀驕暴冀陰殺之學生劉常當代名儒

素善於著冀召常補令史以辱之舊制尚書郎限滿

補縣長令史補丞尉尚書令鄭弘奏曰職尊賞薄多無

樂者請即補千石令史為長帝從之蜀志董厥為府令史諸葛亮稱之曰

董令史良士也後遷西晉令史朝晡詣都座朝江左唯

早朝而已又賈充為尚書令以目疾表置省事吏四人

姚萇圍

尚書置省事自此始也其品職與諸曹令史同符堅遣僕射尹緯詣堅問事堅見其瓌傑問曰卿於朕世為何官緯答曰尚書令史堅曰卿宰相才王景略之儔也而

朕失之今日之晉宋蘭臺寺正書令史雖行文書皆有亡不亦宜乎

品秩朱衣執版孔顛為御史中丞坐鞭令史為有司所糾梁陳與晉宋同後魏令史亦朱衣執笏然謂之流外

勳品北齊尚書郎判事正令史側坐書令史過事令史皆平揖郎無拜自隋以來令史之任文案煩屑漸為卑

冗不參官品開皇十五年詔州縣佐史三年一代不得重任煬帝以四省三臺

皆曰令史九寺五監諸府衛皆曰府史于時令史得官

者甚少年限亦賒隋牛弘常問於騎尉劉炫曰案用禮士多而府史少今令史百倍於前減

則不濟其故何也炫曰古人委任責成歲終考其最殿案不重校文不繁悉府史之任掌要目而已今之文簿

常慮覆理銀鍊苦辛甚密萬里追徵百年舊案故諺曰老吏抱案死今古不同若此之相遠也弘又曰後魏北

通志卷三十一職官三五

齊之時令史從容而已今則不遑寧舍其事何由炫曰齊氏立州不過十二府行臺遞相統領文書行下不過

十條今州二百其繁一也往者州唯置綱紀郡置守丞縣唯令而已其所具察則長官自辟受詔赴任每州不

過數十今則不然大小之事悉由吏部繼介之述皆屬考功其繁二也省官不如省事省事不如清心官不省

而欲從容其可得乎弘唐武德中天下初定京師穀糴甚善其言而不能用耳

貴遠人不願仕流外始於諸州調佐史及朝集典充選

不獲已而為之遂促年限優以敘次六七年有至本司

主事及上縣尉者自此之後遂為官途總章中詔諸司

令史考滿合選者限試一經時人嗟異著於謠頌時閭立本

為右杜姜恪為左相立本無他才識時以善畫稱之恪累為將軍立功塞外是歲京師饑旱弘文崇賢司成三館學生並放歸本貫當時為之語曰左相宣威沙

漠有相馳譽丹青三館學生放散玉臺令史明經

行臺省總序

行臺亦曰行臺省自魏晉有之昔魏末晉文帝討諸葛誕散騎常侍裴秀尚書僕射陳泰黃門侍郎鍾會等以

行臺從至晉永嘉四年東海王越帥眾許昌以行臺自

隨是也及後魏謂之尚書大行臺別置官屬後魏道武帝置中山

行臺以秦王儀為尚書令以鎮之孝文永熙三年北齊以宇文泰為大行臺以蘇綽為行臺度支尚書

行臺兼統民事自辛術始焉武定八年辛術為東南道行臺東徐州刺史郭志殺

郡守文宣聞之救術曰江淮初附百姓難向京師雷卿為行臺亦欲理邊民冤柱監治牧守自今以後所統十

餘州地諸有犯法者刺史則先啟聽報以下其官遣令先治後表齊代行臺兼總民事自術始也

僕射其尚書丞郎皆隨時權制江左無行臺唯梁末以侯景為河南王大行臺

通志 卷五 職官三 六

承制如鄧再故事隋謂之行臺省有尚書令僕射左右各一人

主事四人有考功兼吏部主禮部兼祠部膳部兵部

方駕部庫部刑部兼都官度支兼倉金部工部屯田

部虞侍郎各一人每行臺置食貨農圖武器百工監副

各置丞食貨四人農圖一人錄事等員食貨農圖百工

人蓋隨其所管之道置於外州以行尚書事唐初亦置

行臺貞觀以後廢其後諸道各置采訪等使每使有判

官二人兼判尚書六行事亦行臺之遺制

尚書省第五下

吏部尚書侍郎 郎中 員外郎 司封郎中 考功 員外郎 司勳郎中 員外郎

吏部尚書

周禮天官太宰之職也漢成帝初置尚書有常侍曹主公卿事後漢改為吏曹主選舉祠

祀後又有選部靈帝以梁鵠為選部尚書魏改選部為吏部主選事晉與魏同宋時吏部尚書領吏部刪定三公比部四曹孝武不欲權威在下大明二年分吏部尚書置二人以輕其任而省五兵後還置一吏部尚書順

帝昇明元年又置五兵二尚書晉宋以來吏部尚書資位尤重梁陳亦然後魏北齊吏部統吏部考功主爵三曹後周有吏部中大夫一人小吏部下大夫一人領司

勳上士等官屬大司馬隋吏部統吏部主爵司勳考功四曹唐龍朔二年改吏部尚書為司列大常伯咸亨初

復舊光宅元年改吏部為天官神龍元年復舊天寶十一年改為文部至德初復舊掌文官選舉總判吏部司

封司勳考功四曹事舊令班在侍中中書令上開元令移在侍中中書令下尚書六曹吏部兵部為前行戶部

刑部為中行禮工為後行其官屬自後行遷入二部者以為美自魏以來凡吏部官屬悉高於諸曹其選舉皆

尚書主之自隋置侍郎貳尚書之事則六品以下銓補

通志

卷五

職官二

七

多以歸之唐自貞觀以前尚書掌五品選事至景龍中尚書掌七品以上選侍郎掌八品以下選至景雲元年前宋璟為尚書始通其選而分掌之因為常例開元以前諸司之官兼知政事者午前議政於朝堂午後理務於本司自開元以來宰相多兼領之但從容衡軸不自銓綜其權位尤美而宰相多兼領之但從容衡軸不自銓綜其選試之任皆侍郎掌之尚書通署而已遂為故事或分領其事則列為三銓尚書掌其一侍郎分其二尚書所掌謂之尚書銓侍郎所掌其一為中銓其一為東銓

臣謹按魏延康元年陳羣為尚書始建九品官人之

法拜吏部尚書及毛玠為之公卿無敢好衣美食者

魏武歎曰孤之法不如毛尚書又按晉山濤為吏部

尚書用人皆先密啓然後公奏舉無失才凡所題目

終始如其言唯用陸亮尋以賄敗啓事曰臣欲以郗

詵爲溫令詔可尋又啓曰訪聞詵喪母不時葬遂於所居屋後假葬有異同之議請更選之詔曰君爲管人倫之職此輩應爲清議與不便當裁處又按後魏自洛陽遷鄴已後掌文選知名者數四北齊文襄帝少年高明所蔽也疏袁淑沈密謹厚所傷者細楊愔風流辯給取士失於浮華唯辛術爲尙書性尙貞明擢士以才以器循名責實新舊參舉管庫必擢門閥不遺前後銓衡術最爲折衷甚爲當時所稱又按唐貞觀二十二年二月文部侍郎盧承慶兼檢校兵部侍郎仍知五品選事承慶辭曰五品選事職在尙書臣今掌之便是越局太宗不許曰朕今信卿卿何不自信由此侍郎尙書皆知五品選事又按開元四年六月敕其員外郎御史併餘供奉官直進名敕授自

此不在吏部

侍郎二人隋煬帝置說在歷代郎中篇凡六司徒郎皆龍朔二年改爲司列少常伯咸通元年加一員流內六部以下官是爲銓衡之任凡初仕進者無不仰屬焉當選集之際勢傾天下列曹之中資位尤重初隋世高孝基爲吏部侍郎房元齡杜如晦與選孝基特加賞異後以爲知人唐鄧元挺爲此官不稱職甚爲時談所鄙常患消渴選人因號爲鄧渴坐此遷澧州刺史有能名武太后重拜爲天官侍郎其弊愈甚又以許子儒爲之子儒不以藻鑑爲意其補官悉委令史時曰平配郎中二人周禮太宰屬官有下大夫郎其任也漢魏以來尙書屬或有侍郎或有郎中或曰尙書郎或曰

通志

卷五

職官三

六

某曹郎或則兩置或爲五名雖稱號不同其職一也皆今郎中之任晉山公殿事曰吏部郎主選舉宜得能整風俗理人倫者齊謝眺爲吏部郎上表三讓說在郎官篇又王儉爲吏部郎專斷曹事又陸慧曉爲吏部郎吏部都令史歷政以來咨執選事慧曉任已獨行未嘗與詔帝遣左右以事請問之慧曉曰六十之年不復能諒都令史爲吏部郎也自過江吏部郎不復典資次而已亮爲吏部郎銓序著稱及後爲吏部尚書拘資次而又當代謂爲不能又職官錄曰梁吏部郎舊視中丞遷侍中隋初諸曹郎皆謂之侍郎煬帝三年置六司侍郎後遂改諸曹侍郎但曰郎其吏部郎改爲選部郎唐初復爲選部郎中武德五年改爲吏部郎中龍朔二年改爲司列大夫咸通元年復舊掌選補流外官謂之小銓并掌文官名簿朝集祿賜假使及文官告身分判曹事

通志

卷五

職官三

元

二年八月省開元十二年四月敕兵吏各專定兩人判南曹尋節一人判貞元元年九月又兩人判至十二年八月又節一員判

司封郎中一人漢尙書有封爵之任而無其官故光武

量功次輕重國土遠近地勢豐薄不相逾越莫不默伏焉自是封爵之制非勤不定晉尙書有左右主客曹北齊河清中改爲主爵置郎中一人屬吏部主封爵之事隋初爲主爵侍郎煬帝改爲主爵郎武德初爲主爵郎中龍朔二年改爲司封大夫咸亨元年復舊光宅元年改爲司封郎中掌封爵皇室枝族及諸親內外命婦每身及道士女冠等天寶八載十一月敕道士女冠籍每十載一造永年常式至德二年十一月敕道士女冠等宜依前屬

司封曹

員外郎一人隋文帝置煬帝改爲主爵丞務郎唐武德

初改爲主爵員外郎其後曹改而官不易也
司勳郎中一人周禮夏官有司勳上士掌六卿賞地之法凡有功者司勳詔之歷代無聞至後周吏

部有司動上士一人掌六動之賞以等其功如古之主爵隋文帝置司動侍郎煬帝改爲司動郎永徽五年十一月四夜司動庫失火甲歷並盡龍朔二年改爲司動大夫咸通初復故掌校定勳績論官賞勳官告身等事

員外郎 二人隋文帝置煬帝改司動承務郎唐武德初爲司動員外郎

考功郎中 一人漢明帝時京房作考功課吏之法然無其職至光武改尚書三公曹主歲書考課課諸州郡魏尚書有考功定課二曹宋元嘉三年又置功論郎並其任也列在吏部郎中篇後魏考功郎掌考第孝秀北齊考功郎中亦掌考第及孝秀貢士隋文帝置考功侍郎煬帝改爲考功郎唐武德初復爲考功郎中龍朔二年改考功爲司績咸通初復舊掌考

員外郎 一人隋文帝置煬帝改考功承務郎唐武德初復爲考功員外郎其後曹改而官不易武德舊令考功郎中監試貢舉人貞觀以來乃以員外郎專掌貢舉至開元二十四年移貢舉於禮部而考功員外郎分判事而已

通志



職官三

三

戶部尚書

侍郎

員外郎

郎中

員外郎

度支郎中

倉部郎中

員外郎

部戶尚書

周禮地官大司徒之職也漢置尚書郎四人其主財帛委輸至魏文帝置度支尚書寺

專掌軍國支計吳有戶部孫休初即位戶部尚書階下讀秦晉有度支時杜預爲度支尚書內以利民外以備

邊張華爲度支尚書量計運漕決定廟算皆主算也宋齊度支尚書領度支金部倉部起部四曹梁亦有之後

魏度支亦掌支計崔亮爲度支尚書經營費用歲減億計北齊度支統度支倉部左戶右戶金部庫部六曹後

周置大司徒卿一人如周禮之制其屬有民部中大夫

二人掌承司徒教以籍帳之法贊計人民之衆寡隋初

有度支尚書則併後周民部之職開皇三年改度支爲

民部統度支民部金部倉部四曹唐修隋志謂之戶部

蓋以太宗在位詔官名及公私文籍有世民兩字不相連

者並不諱至高宗始諱之顯慶元年改戶部爲度支龍

朔二年改度支尚書爲司元太常伯咸亨元年復爲戶

部尚書初戶部居禮部之後武太后改置天地四時之官以戶部爲地官由是遂居禮部前神龍元年復改地官爲戶部總判戶部

金部度支倉部事
臣謹按漢成帝初置尚書有民曹主凡吏民上書悉經此曹理之後漢光武改民曹主繕修功作鹽池苑園魏置左民尚書晉惠帝又加置右民尚書至于宋齊梁陳皆有左民尚書而後魏有左民右民等尚書多領工官非今戶部之例而梁陳兼掌戶籍此則略

同自周隋有民部始爲今戶部之職

侍郎二人蓋周官小司徒中大夫也後周依周官隋煬

帝置民部侍郎唐因之後改曰戶部龍朔二年改爲司元少常伯咸亨元年復爲戶部侍郎他時曹名或改而官不易舊制一員長安四年加一員神龍元年減

通志

卷五

職官三

字

二年
復加

郎中二人漢尚書郎一人主戶口墾田吳時張溫爲尚書戶曹郎魏有民曹郎晉分爲左右民曹宋齊以

下或爲左民或爲左戶後魏有左戶曹郎北齊有左右民曹例在吏部郎中篇隋初爲戶部侍郎煬帝除侍字

隋末改爲民部郎唐武德初爲民部郎中龍朔二年改郎中爲大夫咸通元年復舊他時曹名或改而官號不

易掌戶口籍帳賦役孝義優復蠲免婚姻繼嗣百官庶園宅口分永業等建中二年正月戶部侍郎判度支

杜佑奏天寶以前戶部民繁所以郎中員外各二人判書自兵興以後戶部事簡度支事繁唯郎中員外各一人

請迴輟郎中員外各一人分判度支案待天下兵革息卻歸本曹從之

員外郎二人隋文帝置煬帝改承務郎唐武德三年復爲員外郎

度支郎中一人漢初張蒼善算以列侯主計居相府領郡國上計者謂之計相殆今度支之任魏有度支尚書晉宋齊梁陳後魏並有隋初爲度支侍郎煬帝除侍字唐武德初加中守龍朔二年改度支爲司度

大夫咸亨元年復舊掌支使國用至德以後戎事費多
二年十二月呂誥爲兵部侍郎平章專充度支使竇應
元年正月劉晏爲戶部侍郎度支使二年二月韓滉以
宰相加度支使五月二日竇參爲中書侍郎平章事度
支使自後雖無亦有他官
判或云權判亦云專判

員外郎 一人改置與戶部員外郎同

金部郎中 一人周官有職金掌金玉錫石丹青之令魏
尚書有金部郎歷代多有之北齊金部主裁

量尺度內外諸庫藏文帳隋祖孝徵薦盧昌衡爲尚書
金部郎每謂人曰吾用盧子均爲尚書郎真無媿幽明
矣隋初爲金部侍郎煬帝除侍字唐武德中加中字龍
朔二年改金部爲司珍大夫咸亨初復舊掌庫藏金寶
貨物權衡度量等事自開元二
年置鑄錢使皆以他官爲之

員外郎 一人改置與戶部員外郎同

倉部郎中 一人周官有倉人主藏九穀又有廩人主藏
九穀之數開賜稍食魏尚書有倉部郎後魏

通志 卷五 職官三

太倉尚書亦其任也故後魏書曰李訢爲太倉尚書攝
南部事令千里之外戶別轉運詣倉輸之所在委積延
停歲月大爲困弊晉宋以來歷代多有倉部曹皆掌倉
廩之事後周有地官屬司倉下大夫隋初爲倉部侍郎
煬帝除侍字唐武德中加中字龍朔二年改倉部爲司
廩大夫咸亨初復舊天寶中改爲司儲至德初復舊掌
諸倉廩之事開元十六年以
後置出納使皆以他官爲之

員外郎 一人改置與戶部員外郎同

禮部尚書 侍郎 郎中 員外郎 祠部郎中
員外郎 膳部郎中 員外郎 主客

禮部尚書 唐虞之時秩宗典三禮周禮春官大宗伯掌
建邦之天神人鬼地祇之禮漢成帝置尚書

五人其四曰容曹主外國夷狄事後漢尚書吏部兼掌
齊祀亦其職也魏尚書有祠部曹及晉江左有祠部尚
書掌廟祧之禮常與右僕射通職不常置以右僕射攝
之歷代皆與右僕射通職宋祠部尚書領祠部儀曹二

曹齊梁陳皆有祠部尚書後魏爲儀曹尚書北齊祠部尚書統祠部主客虞部屯田起部五曹又有儀曹主吉凶禮制屬殿中尚書後周置春官卿又有禮部而不言職事後改禮部爲宗伯又春官之屬有典命掌內外九族之差及玉帛衣服之令沙門道士之法後改典命爲大司徒俄改大司徒復爲禮部謂之禮部大夫至隋置禮部尚書統禮部祠部主客膳部四曹蓋因後周禮部之名兼前代祠部儀曹之職唐龍朔二年改禮部尚書爲司禮太常伯咸亨元年復舊光宅元年改禮部尚書春官神龍元年復舊總判祠部禮部膳部主客事

侍郎一人周官春官小宗伯今侍郎則隋煬帝置唐因之龍朔二年改爲司禮少常伯咸亨元年復舊他時曹名或改而官號不易掌策試貢舉及齋郎弘崇國子生等事舊制考工員外郎掌貢舉開元二十二年考工員外郎李昂爲進士李權所詆朝議以考工位輕不足以臨多士至二十四年遂以禮部侍郎掌焉開元天寶之中昇平既久羣士務進天下髦彥出其取捨故勢傾當時資與吏部侍郎等同

郎中一人周官春官肆師下大夫亦頗同今任魏尚書有儀曹郎掌吉凶禮制歷代多有例在吏部郎中

通志 卷三十一 職官三 三

篇宋齊儀曹屬祠部梁書曰武帝謂徐勉云今帝業初基須一人有學藝解朝儀者爲尚書儀曹郎勉曰孔休源識見清通詳練故事自晉宋起居注略誦遂拜爲儀曹郎後周依武德初改爲禮部侍郎煬帝除侍字又改爲儀曹郎唐武德初改爲禮部郎中龍朔二年改爲司徒大夫咸亨初復舊其後曹名或改而官號不易掌禮樂學校儀式制度衣冠符印表疏冊

命祥瑞鋪設喪葬贈賻及宮人等

員外郎一人周禮肆師上士後周依焉至隋文帝置禮改而官不易

復舊其後曹

祠部郎中一人魏尚書有祠部郎歷代皆有主禮制後魏裴修爲中大夫兼祠部曹祠部曹主禮樂每有疑議修撰斟酌故實咸有條貫後周有典祠中大夫隋初爲侍郎煬帝除侍字唐武德中加中字龍朔二年改爲司禮大夫咸亨元年復舊延載元年五月制天下僧尼隸祠部不須屬司賓開元十一年改祠部爲職祠至德初復舊掌祠祀天文漏刻國忌廟諱卜祝醫藥等及僧尼簿籍自天寶六載及至德三年常置祠部使

以他官爲之

員外郎 一人改置與戶部員外郎同

膳部郎中 一人膳部於周官卽膳夫凌人二職也晉尙書有左士右士曹後魏都官尙書管左士郎

北齊改左士爲膳部郎掌侍官百司禮食肴饌屬都官尙書後周有膳部大夫一人亦掌飲食屬大家宰隋膳

部屬祠部初置侍郎煬帝除侍字唐武德中加中字龍朔二年改爲司膳至德初復舊掌飲膳藏冰及食料

員外郎 一人改置與戶部員外郎同

主客郎中 一人漢成帝初置五尙書有客曹主外國夷狄後漢光武分改爲南主客北主客二曹魏

亦有南主客晉氏分爲左右南北四主客或單爲客曹宋齊梁陳單有主客後魏吏部管南主客祠部管左主

客北齊改左主客爲主爵南主客隋初爲侍郎煬帝除侍字尋又改爲司籍郎唐武德初改爲主客郎

中龍朔二年又改主客爲司藩成亨元年復舊掌二王後及諸藩朝聘

通志 卷五十一 職官三

員外郎 一人改置與戶部員外郎同

兵部尙書 侍郎 郎中 員外郎 職方郎中 庫部郎中 員外郎

兵部尙書 侍郎 郎中 員外郎 駕部郎中 員外郎 庫部郎中 員外郎

兵部尙書 周禮夏官大司馬之職也魏置五兵尙書五

康中乃有之而又分中兵外兵騎兵別兵都兵也晉初無太

七曹然尙書唯置五兵而已無七兵尙書之名後魏始

有七兵尙書今諸家或謂晉太康中置七兵尙書陳矣

宋五兵尙書唯領中兵外兵二曹餘則無矣齊梁陳皆

有之後魏爲七兵尙書北齊爲五兵統五曹曰左中兵

掌諸都督告身諸宿衛官曰右中兵掌畿內丁帳事諸

召諸兵曰右外兵掌河北及潼關以西諸州所典與左

外兵同日都兵掌鼓吹大樂部小兵等事後周置大司

馬其屬又有兵部中大夫小兵部下大夫其職並闕至

隋乃有兵部尙書統兵部職方駕部庫部四曹蓋因後

周兵部之名兼前代五兵之職唐龍朔二年改兵部尙

書爲司戎太常伯咸亨元年復舊光宅元年改爲夏官
神龍元年復舊天寶十一年改爲武部至德初復舊掌
武官選舉總判兵部職方駕部庫部事其分領選舉亦
爲三銓制如吏部尙書所掌謂之尙書銓侍郎所掌其
一爲中銓其一
爲西銓各有印

待郎 二人隋煬帝置唐因之龍朔二年改爲司戎少常
伯咸亨元年加一員掌署武職武勳官三衛及兵士
一員總章元年加一員掌署武職武勳官三衛及兵士
以上簿書朝集祿賜假使差發配親士帳內考覈及給
武職
告身

郎中 二人歷代兵部曹皆有郎見尙書中或單爲郎或
置郎中例在吏部郎中篇隋初爲兵部侍郎煬帝
除待字又改爲兵曹郎唐武德三年改爲兵部郎中龍
朔二年改爲司戎大夫咸亨元年復舊掌與侍郎同
員外郎 二人隋文帝置兵部員外郎煬帝改爲兵曹承
務郎唐武德三年復舊其後曹改而官不易

職方郎中 一人周禮夏官有職方氏掌天下之圖下九
州之國歷代無聞至後周依周官隋初有職
通志 卷五 職官三

方侍郎煬帝除待字唐武德中加中字龍朔二年改爲
司城大夫咸亨元年復舊掌地圖城隍鎮戍烽候防人
路程遠近
歸化會渠

員外郎 一人周官夏官職方上士後周依
周官隋改置與戶部員外郎同

駕部郎中 一人周禮夏官之屬有輿司馬之職是其任
也魏晉尙書有駕部郎宋時駕部屬左民尙

書齊亦有之後魏與北齊並曰駕部郎中後周有駕部
中大夫屬夏官隋初爲駕部侍郎屬兵部辛公義爲駕
部侍郎旬檢馬牧所獲千餘萬匹文帝喜曰唯我公義
奉國竭忠煬帝除待字唐武德三年加中字龍朔二年
改爲司輿大夫咸亨初復舊天寶中改駕部爲司駕至
德初復舊掌輿輦車乘郵驛廄牧司牛馬驢羸闕遺之
政開元十八年閏六月敕比來給傳使人爲先傳馬事
頗勞煩首今以後應乘傳者宜給紙券二十三年七月
敕新除都督刺史并關三官州上佐並給驛發遣二十
八年六月敕有陸驛處得置水驛自二十年以後常置
館驛使以
他官爲之

員外郎 一人周官有與上士後周有小駕上士蓋其任也至隋置與戶部同

庫部郎中 一人周官有司甲掌戈盾弓矢之長各辨其物以待軍事魏尚書有庫部郎管因之宋庫

部主兵仗文帝宴會有荒服外歸化人帝問尚書庫部郎願琛曰庫中仗有幾許琛詭對曰有十萬人仗舊武

庫仗多祕不言帝既失問及琛詭對善之歷代或有闕後魏北齊庫部屬度支尚書掌凡戎仗器用後周有

武藏中大夫隋屬兵部初為庫部侍郎煬帝除侍字唐武德中加中字龍朔二年改為司庫大夫咸亨初復舊

後天寶十一載又改庫部為司庫至德初復舊掌軍器儀仗鹵簿法式及乘具等

員外郎 一人周官有司兵中士後周有小武藏下大夫隋改置與戶部同

刑部尚書 侍郎 郎中 員外郎 都官郎中 員外郎 郎中 員外郎 比部郎中 員外郎 司門

郎中 員外郎

刑部尚書 唐虞之時士官以正五刑周禮秋官大司寇之任也漢成帝時尚書初置二千石曹主郡

通志 卷五 職官三

三

國二千石又置三公曹主斷獄後漢光武改三公曹主歲盡考課諸州郡政二千石曹掌晉中都官水火盜賊辭

訟罪法亦謂之賊曹重於諸曹魏晉以來始重吏部魏青龍二年置尚書都官郎佐督軍事晉復以三公尚書

掌刑獄宋三公比部皆主刑法又置都官尚書主軍事刑獄領都官水部庫部功論四曹齊梁陳並有都官尚

書後魏亦有都官尚書北齊都官統都官二千石比部水部膳部五曹又有三公曹掌諸曹囚帳斷罪赦日建

金雞等事又掌五時讀時令屬殿中尚書後周有秋官大司寇卿掌刑邦國其屬官又有刑部中大夫掌五刑

之法隋初有都官尚書開皇三年改都官為刑部尚書統都官刑部司門四曹亦因後周之名唐因之龍

朔二年改刑部尚書為司刑太常伯咸亨元年復舊武太后改刑部為秋官神龍初復舊天寶中改為憲部至

德初復舊總判刑部 都官比部司門事

侍郎 一人周官小司寇中大夫蓋今任也後周依周官至隋煬帝置刑部侍郎唐因之龍朔二年改為司

刑少常伯咸亨元年復舊他時曹名或改而官號不易掌律令定刑名及諸州應奏之事

郎中二人周官大司寇屬官有士師下大夫蓋今任也
皆掌刑法獄訟之事歷代沿革具尚書中或為侍郎或
置郎中例在吏部郎中篇後周有小刑部下大夫屬秋
官府隋初置刑部侍郎煬帝除侍字又改憲部郎唐武
德三年改為刑部郎中龍朔二年改為司刑大夫咸亨
元年復舊

與侍郎同

員外郎二人隋文為置刑部員外郎煬帝改為憲部承
務郎唐武德三年改為刑部員外郎其後曹改

而易

都官郎中一人漢司隸校尉屬官有都官從事掌中都
官水火盜賊魏青龍二年始置尚書都官郎佐督軍事

晉宋尚書都官兼主刑獄歷代事具尚書中其官例在
吏部郎中注後周則曰司隸隋初為煬帝官侍郎掌簿錄

配沒官私奴婢賤訴競俘囚等事煬帝除侍字置員
外二人唐武德二年加中字減一人龍

朔二年改為司僕大夫咸亨元年復舊

通志

卷五

職官三

七

員外郎一人周官曰司厲下士蓋並今任
也後周依焉隋改置與戶部同

比部郎中一人魏尚書有比部曹晉因之宋時比部主
法制齊梁陳皆有比部曹後魏亦然北齊掌

詔書律令句檢等事後周曰計部中大夫蓋其任也隋
初為比部侍郎煬帝除侍字唐武德中加中字龍朔二

年改為司計大夫咸亨元年復舊天寶十一載又改比
部為司計至德初復舊掌內外諸司俸料公廨及公私

債負徒役功程贓贖
物帳及旬用度物

員外郎一人改置與戶
部員外郎同

司門郎中一人周禮地官有司門下大夫掌授管鍵啟
閉歷代多闕至後周依周官隋初有司門侍

郎煬帝除侍字唐武德三年加中字龍朔二年改為司
門大夫咸亨元年復舊掌門籍關橋及道路過所闢遺

事物

員外郎一人周官有司門上士後
周依焉後改置與戶部同

工部尚書 員外郎 郎中 員外郎 屯田郎中 水部

郎中 員外郎

工部尚書 周禮冬官其屬有考功掌百工之事曰國有

曹主凡吏民上書後漢光武改民曹主繕修功作鹽池

園苑之事魏置左民尚書亦領其職晉宋以來有起部

尚書而不常置左民宗廟宮室則權晉宋以來有起部

其事分屬都官左民二尚書北齊起部亦掌工造屬祠

部尚書後周有冬官大司空卿掌五材九範之法其屬

有工部中大夫二人承司之事掌百工籍而理其禁令

至隋乃有工部尚書統工部屯田二曹蓋因後用工部

之名兼前代起部之職唐龍朔二年改工部尚書為司

平太常伯咸亨元年復舊武太后改工部為冬

官神龍初復舊總判工部屯田虞部水部事

侍郎 一人隋煬帝改置工部侍郎唐因之龍朔二年改

不易掌興造工匠諸公廨

屋宇五行并紙筆墨等事

通志 卷五 職官三 三

郎中 一人晉尚書有起部曹歷代皆有具尚書中隋初

為工部侍郎煬帝除侍字又改為起部郎唐武德

二年改為工部郎中龍朔二年改為司平大夫咸亨

元年復舊其後曹名改而官不易所掌與侍郎同

員外郎 一人隋文帝置工部員外郎煬帝改為起部承

務郎唐武德三年復為工部員外郎其起曹改

而官 屯田郎中 一人漢成帝置尚書郎四人其一人主戶口

後復為屯田江左及宋齊則郎中及太康中謂之田曹

陳則曰侍郎後魏北齊並為屯田郎中兼知屯田事梁

兼掌儀式之事煬帝除侍字唐武德三年加中字龍朔

二年改為司田大夫咸亨元年復舊掌屯田

官田諸司公解官人職分賜田及官園宅等

員外郎 一人改置與戶

虞部郎中 一人虞部蓋古虞人之遺職至魏尚書有虞

曹郎中晉因之梁陳曰侍郎後魏北齊虞曹

掌地圖山川近遠園圃田獵雜味等竝屬虞部尚書後周有虞部下大夫一人掌山澤草木鳥獸而蕃阜之又有小虞部竝屬大司馬隋初爲虞部侍郎屬工部煬帝除侍字唐武德中加中字龍朔二年改司虞大夫咸亨元年復舊天寶十一載又加虞部爲司虞至德初復舊掌京城街巷種植山澤苑圃草木薪炭供須田獵等事

員外郎

一人隋初置與戶部員外郎同唐龍朔以後曹名改而官不易也

水部郎中

一人周禮夏官有司險掌設國之五溝五塗而達其道路蓋其職也魏尚書有水部郎歷

代或置或否後魏北齊有水部屬都官尚書亦掌舟船津梁之事後周有司水大夫隋初爲水部侍郎屬工部煬帝除侍字唐武德三年加中字龍朔二年改爲司川大夫咸亨元年復舊天寶中改水部爲司水至德初復舊掌川瀆津濟船艦浮橋渠

員外郎

一人後周小司水上士隋改置與戶部員外郎同唐龍朔二年以後曹名改而官不易

通志

卷五

職官三

完



